






jaile

















L'OE MOLOGIE,
OV SONT ESCLAIRCIES
PLVSIEURS DIFFICVLTEZ
touchant la Nature, Pre-
seruation, & Curation
de la peste.

PAR M. ESTIENNE DVFAVG
*Docteur en Medecine, Habitant
de Rabastens.*



A TOLOSE,
Par la Vefue de I. COLOMIEZ, Imprimeur
ordinaire du Roy, & de l'Vniuer-
fité deuant S. Orens.

M. DC. XXX.

MEMOIRE

DE LA

ROYAUME DE FRANCE

PAR M. DE LA


ROYAUME DE FRANCE

DE LA

ROYAUME DE FRANCE

ROYAUME DE FRANCE

ROYAUME DE FRANCE



ROYAUME DE FRANCE

ROYAUME DE FRANCE

ROYAUME DE FRANCE

ROYAUME DE FRANCE

ROYAUME DE FRANCE



A MESSIEURS LES CONSVLS
ET DEPVTEZ DE LA SANTÉ,
de Rabastens.



MESSIEURS ayant fait naistre ces iours passez dans mon Estude vn petit Traicté de la Nature de la peste & des remedes d'icelle, pour nous desperrer de

la fureur du fleau qui s'est glissé traistrement dans vostre Ville; Il m'a semblé estre de mon deuoir vous l'offrir, puis qu'il est né chez vous & sous vous: I'aduoüe que ce n'est qu'un amorton paistry avec beaucoup d'imperfection & de defauts; Mais tout tel qu'il est, il n'a point de honte de sa chetifue nudité, pourueu qu'il vous puisse marquer ma bonne volonté, m'asseurant que vous ne trouuerez estrange sil n'a esté conduit à vne parfaicte maturité, Si vous considerez combien frequents sont les abords, ore que le venin empesté de ceste Tygresse desaturée fait vne si cruelle ioncée des Humains: C'est à la frayeur de ce monstre inhumain, que comme au coup d'ache

d'un Vulcain estant sailly hors, il n'a peu chomer dans le ventre maternel le temps que la nature luy auoit prefix partant il n'est de merueille, si lors qu'il a esté esclos il s'est promptement retiré vers vous, & n'a iamais apprehendé le deniement de vostre faueur, veu la douceur & courtoisie dont vous m'avez autrefois accueilly, vous assurant au reste que la candeur de ceste offrande ne tend a autre fin qu'à la conseruation & utilité de vostre Ville. Je sçay bien que vous meritez que chose plus grande vous soit offerte : Toutesfois vous serez memoratifs qu'entre les Atheniens il estoit deffendu par Loix expresses qu'aucune fable qui premierement estoit représentée ne fut reiettée, parce qu'ils iugeoient qu'on deuoit fauoriser les premiers efforts : Ioint que le bon Thesee ne desdaigna la pauureté des Mets que luy presenta la Ropieuse Hecalé. A l'exemple donc de ce grand personnage vous ne ferez difficulté **MESSIEURS**, de receuoir de bon cœur ce petit Labour : Que si en cela ie puis voir l'accomplissement de mes souhaits, ie prieray Dieu de route l'estendue de mes forces, que les maux & destresses du monde ne vous assenent iamais qu'en peinture, & que vous ne sçachiez que c'est

de la peste autrement qu'en cét escrit, bres qu'il
vous accompagne d'une santé si parfaicte que
vous ne puissiez ressentir que fort tard la cruau-
té des Parques comme estant.

MESSIEVRS

Vostre tres-humble & affectionné
Seruiteur ESTIENNE DUFAYG.

SENSVIVENT LES NOMS
de Messieurs les Consuls.

IACOB OVLIER Bourgeois, qui a esté deux autres fois Consul.

M. PIERRE VINEL Bachilier és droicts, Aduocat qui a esté vne autre fois Consul.

M. PIERRE MACARY M. Appoticaire.

M. RAIMOND CAPELLE.

*Noms des Conseillers de la Santé en
ladite Ville.*

M. PIERRE PAGES Docteur és Droicts, Lieutenant en la Iudicature d'Albigeois Siege de Rabastens, qui a esté premier Consul de ladite Ville.

Noble IEAN DE VINEL Docteur & Aduocat en Parlement, M. des Requestes ordinaire de la Royne, Mere du Roy qui a esté premier Consul de ladite Ville.

M. FRANÇOIS DE GARGAS Docteur & Aduocat en Parlement.

M. IEAN ALBINE Docteur & Aduocat en la Cour qui a esté premier Consul.

M. IACQUES VAISSIERE Docteur & Aduocat en la Cour, qui a esté aussi premier Consul.

Sire BERNARD ROLLAND Bourgeois qui a esté premier Consul.

Sire IEAN LASSALLE qui a esté premier Consul.

IEAN GISCARD Marchand, qui a esté Consul.

De la nature de la peste, que c'est une maladie particuliere.

CHAPITRE I.



ARCS que plusieurs sortes de maladies & symptomes accompagnent d'ordinaire la peste: Galien. 3. epidem. comm. 3. tit. 20. dict. non esse certi morbi

nomen vulgare vel pestilens: Si ne faut-il pourtât établir son essence en toutes ces maladies, d'autant qu'elles suivent seulement, ou accompagnent la peste, & en tant que telles, elles n'ont aucune malignité qui puisse constituer sa nature: partant il faut voir pourquoy elles sont appellées quelquefois pestilentes, bien qu'elles ne soient telles: Par exemple la fieure ioincte à la peste est souuēt sans peril, & toutesfois le malade meurt, à raisõ du venin qui s'y rencõtre: L'esquinance est par fois ioincte à la peste: Et quoy qu'elle ne perde le malade par suffocation, ou par violence de la fieure, il n'en releue pourtant à cause du venin pestilent, & de la telle esquinance est appellée pestilente: De mesme les flux de ventre accompagnent quelquefois la peste qui de soy ne sont mortels, ains à raison de la peste.

De tout cecy nous appert que ceste malignité qui constitue la nature de la peste ne doit estre recherchée en rant de differentes maladies, mais en yne seule particuliere: auec laquelle toutes les au-

tres qui se trouuent ioinctes sont appellées pestilentes.

Cen'est pas aussi de son essence d'estre vulgaire, ce n'est qu'un accident qui suit, ou la cause commune, ou l'effect de la peste, à sçauoir la Contagion; Et bien qu'un seul dans la Ville fut frappé de peste, si ne faudroit-il pour cela nier qu'il fut atteint de peste: Et suffit que ceste maladie ait le pouuoir d'en infecter plusieurs, quoy que de fait elle ne soit encore epidimique.

Que la peste est maladie du cœur.

CHAPITRE II.



VIS donc qu'ainsi est que les maladies ioinctes à la peste ne constituent pas son essence: Et que ce n'est de sa nature d'estre epidemique: Il nous faut voir en quoy elle consiste, & pour commencer, parce que nous est notoire, & dont chascun demeure d'accord: Nous disons communement que la peste regne en quelque part, lors que plusieurs sont atteints d'une maladie dont la pluspart meurent, & les autres restent infectez: D'où nous tirons ceste conclusion que necessairement la peste est maladie de la partie, de laquelle principalement la vie despend (c'est du cœur) & partant en temps de peste, il faut que le cœur qui est la fontaine de vie, & le magasin de la chaleur vitale

vitale soit trouuailé, & que de son indisposition s'ensuiue vne si subite priuation de vie: Ce que ne sera mis en doute entre ceux qui auront pesez les accidents qui arriuent durant la peste: Car on remarque que la chaleur vitale vient à s'abatre tout à coup. Quant à la faculté animale elle demeure le plus souuent en son entier, comme aussi la naturelle n'est pas quelquefois grandement alteree.

Quelques vns sont de contraire aduis, & nous veulent faire croire que le venin pestilent est contraire, non seulement au cœur, mais encore aux autres parties, & qu'on peut mourir de peste auât que le venin ait atteint le cœur: Ce qu'ils taschent de preuuer, disans que tous les venins ne sont pas premierement contraires au cœur, mais les vns aux poulmons: comme le lieure marin, les autres à la vessie, comme les cātharides, les autres au cerueau, comme l'hyosciame: Et que ceste difference nous paroît en la peste de la varieté des symptomes qui d'ordinaire l'accompagnent. Mais quoy que nous soyōs d'accord qu'il y a des venins qui n'attaquent pas premierement le cœur, ains qui sont contraires aux autres parties: Neantmoins l'extreme foiblesse de la faculté vitale, & la mort subite & inopinée, dont meurent les pestiferez, nous fait voir clairement que le venin pestilent n'est de telle condition: & bien qu'en tous les malades il semble que la mesme partie n'est affectée, cela arriue ou par ce que vne partie se rencontrant plus foible que l'autre, le venin pestilent

ste maintenant poussé en ceste cy, maintenant en ceste-là: Ou parce que la Contagion n'estant pas tousiours receuë par la mesme partie, ains tantost par l'air que nous inspirons, tantost par les pores du cuir, maintenant en quelqu'autre façon: il est croyable que la partie qui l'a premierement receu soit la premiere malade: Car nous accordons facilement que le venin pestilent est tellement contraire au corps, que toutes les parties en restent grandement offensées: Toutefois ceste force insigne d'abatre la faculté vitale, & nous rauy si promptement la vie, nous enseigne assez qu'il est premierement & principalement contraire au cœur, & quoy que les autres parties soient offensées, les symptomes du cœur lors qu'il patit, nous indiquent qu'il est principalement lésé: Comme aussi les Antidotes, qui tous sont contraires au venin pestilent, & ont le pouuoir de fortifier le cœur sans auoir esgard aux autres parties. Car il n'est pas necessaire que le venin qui corrompt les humeurs reside tousiours & premierement au cœur: Ainsi du temps de Paul Ægineta, & ceste colique qui parcorut toute l'Italie & plusieurs autres Regions, la matiere pestilente auoit son siege principalement aux intestins: Ainsi se sont veuës quelquefois de Pleuresies, Lethargies, Phrenesies & autres maladies pestilentes, en toutes lesquelles, en quelle part que fut logée la matiere pestilente, elle auoit vne antipathie particuliere avec le cœur.

Que la peste n'est causée de pourriture.

CHAPITRE III.



A pourriture si profonde qu'elle soit n'est bastante pour engédrec la peste, d'autant qu'elle agit d'une façon tout autre que la pourriture ou la fieure pourrie, & partant elle differe *toto genere* d'avec l'une & l'autre: puisque les operations essentiellement differentes, ne peuuent prouenir que de formes qui different essentiellement. Or la peste se produit en vn moment, & rend des effects pernicious: C'est merueille de la façon qu'elle s'espand, & comme tant soit peu de venin pestilent se peut si longtemps conseruer en son entier, & receu apres qu'il est dans le corps, avec qu'elle promptitude il produit des Symptomes si horribles, qu'il n'est pas possible qu'ils soient causez de quelque qualité manifeste: Et neantmoins en la pourriture ne paroît aucune action que de qualitez manifestes, & principalement elle nuit par vn excessiue chaleur, lors qu'elle change la naturelle en ignee: que si la peste nuisoit en vertu de la seule pourriture changeant la chaleur naturelle en ignée, & par ainsi introduisant vne intemperie chaude: aux fieures ardentés nous paroistroit beaucoup plus de malignité qu'aux pestilentés, puisqu'aux ardentés la chaleur est beaucoup plus


grande, & que toutes les pestilentes ne sont accompagnées d'une chaleur vehemente: D'ailleurs si la peste consistoit en la seule pourriture on la traiteroit de mesme sorte que les autres fieures putrides: or est-il que les moyens pour nous preserver & guerir de la peste, sont autres que ceux des autres fieures putrides: Car ce sont des Alexipharmas qui seruent pour la preservation & guarison de la peste. Dire qu'on ne s'en sert qu'en tant qu'ils desseichent, ouurent les obstructions, fortifient la partie & resistent à la pourriture, il ne seroit besoin de recourir aux Alexipharmas pour tels effets, & ne se faudroit mettre en peine de faire venir de Lemnos d'Armenie, & des Indes les bols, terres, & autres pierres: Si le bol d'Armenie, la terre sigelée, & la pierre de Bezoard n'estoient en usage que pour desseicher & à raison de leurs qualitez manifestes: Car en toute terre se trouuent des medicaments qui ont semblable faculte: Et si les medicaments dont on se sert pour la peste, seruent aussi pour arrester la pourriture, pourquoy ne nous en seruons nous aux fieures pourries? Or il n'y a personne qui se serue aux fieures, ny continues, ny intermittentes du bol d'Armenie, de la terre sigelée & autres semblables, qui ont la faculté de causer plustost des obstructions que d'ouuir.

En somme on a remarqué qu'en la constitution de l'air la plus apte à augmenter la pourriture telle qu'est l'Austrine, la peste auoir eu moins de vo-

gue, que sous vn autre qui resiste à la pourriture, telle qu'est l'Aquiloniene.

Si la fieure est l'essence de la peste.

CHAPITRE IV.

 VANT à la fieure qui dépend de la pourriture, puis qu'elle ne se rencontre tousiours avec la peste, elle ne peut estre de son essence: Qu'ainsi ne soit, *Iacorus de partibus* sur Auicenne atteste quelques vns l'estre venu consulter en temps de peste avec leurs vrines, qu'il touchoit & trouuoit sans fieure, sans aucun Symptome fascheux, qui neâtmoins mouroient auant que partir, ou bien tost apres: & pour ne recourir si loïn, de la peste qui est en regne à present: N'en a-on pas veu plusieurs mourir subitement dans Figeat, Ville-franche, Cahors, & autres lieux sàs qu'on appercut qu'ils eussent du mal: Outre l'experience, la raison nous montre que ce n'est pas chose impossible que la peste se rencontre sans fieure: Car puisque la nature de la peste comme nous auons enligné ne consiste pas en pourriture, ains qu'elle tue à la façon des autres venins, qui empeschera que la violence de ce venin puisse estre si grande que de rauir la vie, auant qu'il suruienne de la pourriture au corps, & de la fieure? Car la pourriture est principalement si grande qu'on l'a descrit, ne se peut

engendrer si soudainemēt; or quelque venin peut assaillir subitement le cœur, & nous perdre en fort peu de temps.

Si le venin & la pourriture ensemble engendrent la peste.

CHAPITRE V.




DE ceux qui sōt de ceste opinion que le venin & la pourriture ensemble causent la peste, les vns veulent que la pourriture soit excitée du venin: Les autres que la peste s'engendre d'un venin qui se pourrit: Quant à ceux-cy ils n'ont pas bien penetré dans la nature du venin: Car il a de soy vne particuliere antipathie avec le cœur, de sorte qu'il peut de sa nature abatre sa force & causer la mort sans pourriture, autrement comme s'engendrera la peste d'un air pestilent? Il faudra de necessité que premierement les humeurs soient changées en venin, lequel apres se pourrisse, & engédre la peste, & toutesfois le contraire se pratique: Car la peste que cause l'air que nous inspirons se produit en vn moment: Il y a plus d'apparence que le venin engendre la pourriture, & de là arriue qu'en la pluspart des constitutions pestilentes, la fieure est ioincte à la peste, qui n'est qu'un effect de la pourriture engendrée du venin

pestilent.

*La peste est un venin accompagné d'une
qualité occulte.*

CHAP. VI.



Es effects de la peste qui ne peuvent prouenir comme nous auõs mōstré d'aucune qualité premiere, nous enseignēt qu'elle est causée d'vne matiere veneneuse accompagnée d'vne qualité occulte, de toute sa nature ennemie du cœur, causant la mort à la façon des autres venins, sa force consiste en vne matiere spiritueuse qui penetre promptement dans l'interieur de nos corps, & principalement du cœur, auquel elle imprime sa qualité maligne, dissipe ses esprits, abat la chaleur naturelle principal instrument de l'ame, infecte & corrompt les humeurs, d'où s'ensuit vn tres-grād nombre de tres-dangereux Symptomes, fieure, vomissement, flux de ventre, syncope, douleur de teste, veilles, resuerie, & plusieurs autres maux tres-pernicieux: Il n'y a point d'autre maladie qui cause vne telle deffaiētē des hommes. Platina en la vie de Clement VI. rapporte, qu'autre fois la peste fut si furieuse dans l'Italie, que de mille à grand peine se sauuoient les dix. Aux Annales de France on a remarqué que l'an 1374. dans la Frā-

ce & les Allemaignes mourut presque la troisiéme partie des hommes: *Quercetan in Alexicaloca*. 4. dit, que l'an 1400. dans peu de iours moururent à Florence trente mill'hommes, & depuis peu dans Figeat, Ville-franche, Sauueterre, Cahors & petits lieux és environs, on assure que soixante mille personnes se sont perdus.

Il reste à expliquer si la Contagion est de l'essence de la peste: Car qu'elle ne soit contagieuse ceux-là ne l'experimentent que trop, & à leur grand regret qui sont frappez: Toutesfois la Contagion n'est qu'un accident qui suit la nature de la peste, & conuient veritablement à toute, mais non pas seule de là.

Nous concluons que la peste est vne maladie veneneuse du cœur, engendrée de matiere veneneuse, ennemie particulièrement de toute la substance, du cœur & contagieuse, qui offense tout à coup toutes ses actions, tres-aiguë, mortelle, accompagnée de tres-pernicieux Symptomes.

De la Contagion.

CHAPITRE VII.

Bien que la Contagion se rencontre aux autres maladies, toutesfois par ce qu'il n'y en

à point de plus contagieuse que celle de la peste, il ne sera hors de propos d'en dire quelque chose separement auant que passer outre.

Trois choses sont à considerer pour bien & deuëment cognoistre sa nature, 1. Le corps contagieux qui infecte les autres. 2. La maladie ou semence qui est communiquée. 3. Le corps infecté.

Quand au premier, tout corps qui peut communiquer sa disposition à quelqu'autre n'est pas contagieux: par exemple, lors qu'un corps chaud en eschauffe vn autre, ou qu'un froid en rend vn autre froid, il ne se peut appeller proprement contagieux: ny lors qu'un serpent ou scorpion communique son venin par piqueure ou morsure: Car nous appellons seulement contagieux, ce qu'estant atteint de quelque maladie, ou contenant en soy quelque cause morbifique l'a peut communiquer à vn autre d'où nous desfinissons.

Contagion vne semence vitieuse d'un corps malade appellée par les Grecs *μίασμα*, *νοσηρά* *ἀπόκλεισις*, *ἀκόρροια σπέρματος*: laquelle receüe en vn autre corps analogue y peut produire vne semblable maladie.

Ce que se communique par contagion n'est pas la maladie qui a infecté le premier: Mais certain corps qui sortant du corps contagieux, & receu apres en vn autre, y peut exciter semblable maladie: Car la mesme maladie *numero*, ne passe pas du corps contagieux en vn outre, la mesme

specie y est engendrée, ceste semence donc est un corps, mais quelquefois spirituel, autre fois retenant la nature d'humeur.

Certaines conditions sont requises en ceste semence de contagion pestilente: Car nous voyons qu'elle s'insinue promptement, & est fort tenante, & apres venant a estre agitée par la chaleur, ou en quelqu'autre sorte se produit & communique aux autres corps, & peut infecter, non seulement les vestemens, mais encore les bois & maisons, de sorte qu'il y a de la peine à les purifier, & qui plus est on a remarqué qu'elle peut durer assez long-temps en l'air, quoy qu'agitée de vents, & durant les plus grandes ardeurs du Soleil, & estre porté fort loin en son entier. C'est bien sans doute que de tout corps malade exhale quelque chose: mais qui se resoult & dissipe facilement, ou qui a si peu d'efficace, qu'elle ne peut exciter semblable maladie au corps qui l'a reçoit. Il est donc requis en la semence contagieuse qu'elle ait vne tres-forte constitution, afin que lors qu'elle exhale du corps contagieux, elle ne soit surmontée, & vienne à s'esuanouir par l'occurrence de l'air, ou d'autres causes: Or il faut que cela prouienne d'vne solide & exacte mixtion, & spirituosité, & non pas d'aucune viscidité ou tenacité: Et d'autant qu'elle a la force d'agir en petite quantité, de là appert qu'outre les qualitez manifestes en est requise vne plus occulte: laquelle aue d'vne forme particuliere qui de toute sa na-

rure est ennemie de toute nostre substance, & de là arriue que d'autant que ceste forme n'est pas tousiours la mesme, les mesmes semences n'ont pas tousiours la force d'infecter tous corps, mais certains, de là nous voyons que la vapeur qui exhale d'un bœuf pestiferé infecte les bœufs, & non pas les hommes, l'haleine qui sort du poulmon d'un phrifique n'infecte pas la peau, mais seulement les poulmons, au contraire un galeux infecte la peau & non pas les poulmons.

Ceste contagiõ ne sort pas tousiours des corps infects par mesme voye: Car quelquefois c'est par l'expiration & haleine; autrefois elle exhale par les pores du cuir & transpiration insensible, quelquefois par les sueurs & ordures adherantes à la peau, comme aussi par le moyen du pus & sanie qui sort des Bubons & Carboncles elle se cõmunique aux draps & couuertes, & ainsi aux autres corps.

Quel des corps viuants ou morts est plus contagieux.

CHAP. VIII.

Ceux qui sont frappez de peste sans mourir, sont moins cõtageux que plusieurs des corps de ceux qui en sont morts, & a on souuente fois remarqué que si le premier frappé de peste dans vne maison en estoit releué, qu'aucun autre ne

reſtoit infect. Le contraire arriue lors que le malade meurt : Car de tel corps, principalement lors que la mort eſt prochaine, quand le venin triomphe de la chaleur vitale, il ya plus de peril que d'vn Cadaure, parcee que de ce corps que le venin corrompt de telle ſorte, que rien n'en peut exhaller qui ne ſoit peſtilent, la chaleur naturelle fait tous ſes efforts pour l'expeller, & par ainſi de tout coſté, & principalement par l'expiration exhale des vapeurs peſtilentes. Et partant la conuerſation avec vn tel malade moribunde ne peut eſtre que tres-dangereuſe. Mais lors qu'il eſt mort que le Cadaure eſt froid, la chaleur vitale eſteinte, que les pores ſe ferment, & l'expiration par la voye des poulmons ceſſe, il en exhale moins de vapeurs, & pour lors il y a moins de peril, principalemēt ſi le froid externe y ſuruient. Toutesfois de dire que rien n'expire de tel corps, l'odeur marque le contraire: or ce qu'expire ne peut eſtre que peſtilent, puisque toutes les humeurs de ce corps ſe ſont reueſtues d'vne nature peſtilente, & ne l'ont quittée par la mort : Et ſi les ſemences de la peſte ſe peuuent conſeruer aux robbes, & choſes ſemblables, pourquoy ne ſe pourront elles arreſter quelques temps aux parties du corps dont elles ſe ſont emparées : Mais lors que le Cadaure a conceu de la pourriture, il en ſort vne grande quantité de vapeurs, comme il appert de la puanteur, qui ne peuuent eſtre que peſtilentes & contagieuſes, meſmes que le venin eſt irrité

par le moyen de ceste pourriture : Et partant les Medecins & Magistrats font tres-bien de commander que les corps morts de peste soient enseuelis promptement auant que la pourriture y suruienne, & que les fosses soient profondes, de peur que ces exhalaisons pestilentes ne contaminent les autres & infectent l'air.

Dire que tout le venin s'esuanouyt avec la chaleur, il n'y a point de raison : Car puisque les semences de la contagion peuuent demeurer lōg temps cachées aux autres corps, pourquoy ne pourront elles subsister quelque temps aux humeurs dans lesquelles elles ont esté conceuës? Et qu'ainsi ne soit les taches qui arriuent aux Cadaures apres la mort nous l'enseignent.

Cela ainsi n'a beaucoup de probabilité, de dire que comme les venins, aliments & medicaments n'ont aucune efficace en vn Cadaure, la chaleur n'y estant pour les reduire en acte, de mesme la peste n'auoit aucune force en vn corps mort: nous accordons que les venins ne sont pas venins aux corps morts, mais bien viuants, & comme les medicaments purgatifs ne purgent pas les morts: mais les viuants; De mesme les venins n'exercent pas leur force à l'endroiçt du Cadaure avec lequel ils n'ont aucune contrarieté, mais bien à l'endroiçt de ceux qui sont en vie.

Que le venin meure avec la chaleur naturelle qu'il aura surmontée, il n'y a non plus de raison que l'agent apres auoir vaincu son contraire doi-

ue mourir, il cesse d'agir, mais il ne meurt pas.

*Des vehicules de la Contagion, l'air, & ce
que nous appellons Fomes.*

CHAPITRE IX.



Les semences de la Contagion ne se peuuent communiquer à vn autre corps qu'elle ne le touchent immediatement : elles ont besoin de quelque vehicule pour estre transferées d'un sujet à vn autre. Or ce vehicule est double; à sçauoir l'air, & ce que nous appellons Fomes.

Quant à l'air l'experience nous enseigne que ces semences se peuuent multiplier & estre transportées, non seulement des lieux voisins, mais encore quelquefois de bien loin : Et si l'air n'est accompagné d'aucune qualité actiue qui excède, il sera plus apte à les porter & conseruer, autrement leur force vient à s'esteindre, ce que nous voyons arriuer principalement en temps d'hyuer.

Quant aux Fomes, tout ce qui est apte à recevoir ces semēces, & les retenir iusques à ce qu'elles soient communiquées à vn autre corps se peut appeller Fomes; Telles sont toutes choses laxés & remplies de pores, comme lin, coton, plumes, peaux d'animaux avec leur poil, & les habits qui en sont faitts. Et pour ceste cause nous deuons

rapporter icy les chiens & chats qui transportent souuent le venin qu'ils ont receu au poil d'une maison à autre, & les infectent: l'experience nous enseigne que les parois aussi & murailles sont susceptibles de Contagion, ce que ne se peut dire des choses solides & denses, comme sont les pierres les plus solides & metaux: Toutesfois les Monnoyes qu'aura manié vn pestiferé les mains luy suants sont suspectes, comme aussi les Sols, Doubles, Liards, Deniers, à raison de la crasse qui s'y attache peuuent recevoir les vapeurs contagieuses.

Ce Fomes quel qu'il soit, retient longtems les semences de peste, s'il se rencontre en lieu qui ne soit ny froid, ny chaud, qui ne soit exposé aux vents, ny en vn air libre, autrement l'excez des qualitez actiues abbat la force du venin, & le vent le dissipe: Mais lors qu'il se vient à mouuoir, ou qu'il est secoüé, ou bien tant soit peu eschauffé, il sort comme de ses cachots, & est transporté au premier qui se rencontre, & rend les mesmes effects qu'il feroit s'il exhaloit du corps malade.

On pourroit icy demander s'il se peut faire qu'on porte sur les habits la Contagion sans peril, & sans estre offensé la communiquer aux autres. Je responds, si la semence de contagion est attachée en telle part des habits qu'elle ne puisse toucher la peau, & penetrer dans le corps par les pores, tandis qu'elle sera en repos, elle ne causera aucun dommage à celuy qui l'a porte sur soy: Que si elle

vient a estre agitée & semée en l'air, il se peut faire que celuy qui la porté, la reçoive par le moyende l'air qu'il inspire, & que toute fois il peut arriuer selon la diuerse agitation en l'air, qui poufse ces semences tantost çà, tantost là, qu'un autre les attire, & non celuy qui les a gardé cachées dans ses habits.

Si la Contagion peut demeurer quelques temps dans nostre corps sans se produire.

CHAPITRE X.



Il y a bié plus de difficulté de sçauoir si la semence de Contagion peut demeurer cachée dans nos corps quelque temps auant qu'elle se produise: Mais si d'autres venins se trouuēt qui ne nuisent que certain temps apres qu'on les a receus, comme entr'autres celuy du chien enragé, qu'on a remarqué auoir demeuré caché l'espace de six mois, des douze années, & encore beaucoup plus: Pourquoy sera-il impossible que le pestilēt fasse le même, & qu'il puisse demeurer caché au corps humain, non seulement quelques iours, mais encore l'espace de deux, trois sepmaines & dauantage: n'a-on pas remarqué dans Tolose, apres la mort de ce Religieux qui le premier y a porté la peste, que bien que tous ceux du logis où il mourut fussent incontinent sequestrez, & tous les meubles suspects

suspects bruslez : ont neantmoins esté frappez longtems apres dans vne maison champestre à vn quart de lieuë de nostre Ville de Rabastens, mourut vne Chambriere de peste comme il fut verifié par la visite que i'en fis avec L. nos Chirurgiens: Les Domestiques neantmoins n'ont reséti le mal qu'environ trois sepmaines apres quoy qu'ils eussent humé le venin manians le corps en ma presence desia tout puant, qu'il leur salut tirer de la fosse n'estant encore couuert de tetre. Et la raison en est la mesme qu'au venin du chien enragé, lequel demeure longtems caché au corps, parce que son commencement estant fort petit, à sçauoir la qualité maligne de son escume: la mauuaise disposition s'augmente peu à peu & croist à la parfin iusques à vne excelléte grandeur. De mesme si la semence de la peste, lors qu'elle est receuë au corps, n'est assez forte & efficace, & que le corps ait vne grande force pour resister, il n'est pas impossible que ce venin pestilent demeure comme caché, & que peu à peu il corrompe les humeurs, & qu'à la parfin ayant pris son accroissement, il manifeste sa force pestifere, lors que la nature prouquée par vn plus puissant ennemy s'oppose à sa violence, & de ce combat entre le venin & la nature sont excitez des symptomes manifestes au corps.

Des deux especes de Contagion, & qu'elle est
la plus dangereuse.

CHAPITRE XI.



Ece que nous auons dit iusques
à present, il sera facile à colliger
qu'il y a deux sortes de Conta-
gon, l'vne immediee, qui infe-
de par le seul attouchement:
L'autre mediee que nous appel-
lons *ad distans*: Les semences de la premiere resi-
dent en vne matiere plus crasse & se communi-
quent seulement par sueurs, & ordures adheran-
tes aux corps, qui ne sont assez puissantes pour
s'estendre fort loit: La Contagion mediee se
communique par le moyē d'un corps intermede,
qui n'est autre qu'une vapeur qui sort du corps
infect appellée comme nous auons dit *εἰσπρα*:
Car ceste cause coragieuse est si puissante, qu'elle
ne requiert vn reciproque attouchement des
corps: C'est vn cōps subtil & spirituel, dont la
composition est si forte & solide, qu'il se peut cō-
seruer quelque temps en son entier, & faire pa-
roistre ses forces aux corps dans lesquels il est re-
ceu: Or cecy se fait en deux façons: Car ou ceste
emence est receuē dans la laine, lin, & autres
choses que nous auons expliquées: ou elle est es-
pendue en l'air seul, & par son moyen transferée

aux autres corps : Lors qu'elle se communique *per fomitem*, ces petits corps insensibles qui ne peuuent estre apperceus de la veuë, s'insinuent dans les pores des autres choses, & viennent à se communiquer lors qu'ils sont agitez.

Il n'y a autre difference entre ces especes de contagion qu'en tât que l'immediate est vn corps plus crasse: la medée & *ad distans*, consiste en vn corps plus subtil & spirituel: Et ne fait pas douter que ce soient des substances, puique les accidents n'agissent qu'en vertu des substances, & que les qualitez presupposent des substances & sont attachées à leur sujet.

Si vous demandez qu'elle de ces Contagions est plus dangereuse; Je dis que la pire est celle qui se fait par l'attouchement sous intermede: suit apres celle qui se fait par le noyen de l'air: La moindre est celle qui se communique *per fomitem*. La raison en est, parce que en la premiere, non seulement la partie touchée offense, mais encore la perspiration de tout le corps auéc l'haleine: Quant au Fomes, puis qu'il contient des vapeurs pestilentés qui ne sont recentes ains priuées de la chaleur du corps malade, & rebouchées par le retardement, & partant moins efficaces, sans doute il causera moins de dommage, que l'air qui reçoit les semences de la peste toutes fraisches, & encore chaudes, & partant plus efficaces, & les insere continuellement aux autres corps: A cecy ne repugne pas que les vapeurs attachées au Fo-

mes sont plus viscides, & partant adherent plus puissamment: D'autant que ceste viscidité n'est pas vne qualité actiue, & bien qu'elle puisse porter quant & soy la faculté secrette du venin: Si est-ce que le venin agit plus puissamment, lors qu'il est accompagné de quelque qualité actiue, & principalement de la chaleur, ceste verité est appuyée sur l'experience: Car plusieurs se sont seruis impunement delictés de plumes, habits, & autres choses semblables infectés, au contraire il y en a peu de ceux qui apres auoir touché des corps infectés, ou attiré l'air souillé de vapeurs pestilentes qui sortoient des corps frappez, n'ayent esté contaminez.

Du corps qui reçoit la Contagion, & de la disposition requise pour la recevoir.

CHAPITRE XII.



Lnous reste à considerer le corps qui reçoit ceste semence: Nous voyons qu'en la Contagion le mesme arriue qu'aux autres actions, *quodlibet non agere in quodlibet.* Et c'est chose qui a esté remarquée souuente fois, que quelques vns se sont infectez pour auoir eu la hantise d'un seul infect: d'autres n'auoir peint cōtracté de mal quoy qu'ils en eussent frequented plusieurs tant morts que vi-

uants. Tous ne recognoissent pas vne mesme cause de cét éuenement: La pluspart disent que cela se fait à raison d'une ressemblance & analogie qu'à la Contagion avec le corps qui s'infecte, puis-que c'est le propre des semblables de se ioindre promptement: Mais ceste opinion n'est conforme à la verité: car toute action se fait entre les contraires, & l'agent agit contre le patient pour le rendre semblable, & bien que les choses qui ont de la ressemblance se ioignent plus facilement, Toutesfois cela se fait afin quel'un soit conserué par l'autre; ce que ne se voit pas en la Contagion, ou le corps infecté n'est pas conserué par la Contagion comme son semblable, ains corrompu & destruit comme de son contraire.

Pour sçauoir au vray la definition de ceste difficulté, il faut remarquer que certaine disposition est requise au corps pour recevoir la peste, & puis-que la cause de ce venin est occulte, qu'il faut par consequent que ceste disposition à le recevoir consiste en certaine qualité occulte, qui n'est autre qu'une particuliere propriété du cœur, à raison de laquelle il est rendu inhabile de resister au venin pestilent: Laquelle si nous n'admettons, il nous sera impossible de rendre vne vraye raison de certains éuenements.

Car plusieurs se voyent en temps de peste remplis de mauuaises humeurs frequenter les pestiferez, qui neantmoins ne contractent point de mal, quoy qu'ils menent vne vie dissoluë, & ne laissent

rien à faire pour se perdre: Vous en verrez au contraire d'autres très bien temperez, reglez en leur façon de viure, qui à la moindre occasion se trouvent atteint de ce mal-heureux mal. De cét éuement il n'y a autre raison, si ce n'est que ceux-cy ont vne propriété secrette, qui fait que le cœur ne peut resister aux impressions veneneuses, ains les reçoit toutes facilement: Ceux-là ont vne propriété au cœur, en vertu de laquelle ils repoussent loin de soy toutes impressions pernicieuses.

Quoy qu'à cette cause nous en pouuons ioindre deux autres: La premiere vn grand courage, qui sur toute chose peut beaucoup pour se preseruer comme l'experience nous enseigne: en apres la coustume, car telle sorte de gens par vne longue conuersation avec les malades s'accoustumēt au venin pestilent: Et pour monstrier que cela n'est impossible, les autres venins nous en feront foy: l'Histoire est notoire de ceste belle ieune fille, qui se nourrissoit de venin, & fut enuoyée pour present à Alexandre le grand: Au rapport de Cœlius Rhodiginus, certaine pucelle deuoroit les araignées qu'elle rencontroit sans peril. Vne vieille d'Athenes comme raconte Galien *lib. 3. de sumpt. medic. facult.* ayant commencé par vne petite portion de cigne, en mangeoit apres grande quantité sans aucun detrimēt.

A cela pouuons bien adiouster que ceste qualité veneneuse s'insinuera bien plus facilement lors qu'elle est receuë en des corps analogues, &

semblables, d'où arriue que les parens s'entre-infectent plus facilement que les autres, & que souuent les familles entieres se perdent: & a on remarqué que plusieurs apres auoir fréquenté long temps des infects sans prendre mal, sur le point qu'ils se sont approchez de quelque parent qui l'estoit, auoir esté frappez: Car voyant que les parens ont vne semblable propriété de nature, il s'ensuit que le venin qui est nuisible à l'vn soit contraire aussi à l'autre.

Il n'est pas aisé à faire entendre qu'elle est ceste disposition, si la nature du venin & de ses Antidotes nous estoit cogneuë, il ny auroit pas difficulté de l'exprimer: Car les Alexipharmques sont contraires au mal, & amis de la nature, il faut donc que la disposition du cœur de celuy qui resiste à la peste soit semblable à celle des Alexipharmques: Et celuy qui est destitué de ceste faculté, reçoit facilement ce venin, & s'il n'est promptement secouru par la voye des Antidotes, il succombe & meurt.

Outre ceste disposition secrette, nous remarquerons certaines autres choses qui font que le venin se glisse plus facilement dans les corps: Car puisque nous attirons par la bouche & les narines l'air qui contient en soy les semences de la peste, & que de là il est conduit au cœur le long de la trachée artere, & par les pores extérieurs du corps dans les arteres, ceux qui pour quelle cause que ce soit, comme apres vn grand mouuement

& exercice inspirent plus abondamment l'air, & qui ont les pores du cuir amples & ouuerts, reçoient plus facilement les semences de la peste qui sont en l'air, ou qui adherent aux drappeaux, & autres choses semblables. Et c'est la raison pour laquelle les femmes enceintes sont plus subiectes a estre frapées que les autres, d'autant qu'elles ont le corps plus chaud & humide, à raison du fruit qu'elles portent dans le ventre, qu'est la cause qu'elles inspirent plus d'air, le mesme pouuons nous dire des ieunes hommes.

C'est donc trauailler en vain de chercher ceste disposition entre les qualitez manifestes, en Leage, Sexe, Amplitude, ou restreiffissement des Pores, pureté, ou impureté des corps. Il est bien vray que ceux qui en quelle sorte que ce soit sont plus disposez à la pourriture, sont plus grieuement, & avec plus de peril trauaillez de la fieure; Mais que telles choses disposent à la peste l'experiance n'y consent point.

De la difference de la peste, fieure pestilente, & fieure maligne.

CHAPITRE XIII.



OUTRE maladie qui est pernicieuse à plusieurs & qui s'espand facilement par contagion peut estre appellée peste, soit qu'elle soit accompagnée de fieure,

fièvre, ou qu'elle soit sans fièvre: que si elle se rencontre elle peut estre appelée généralement parlant, fièvre pestilente: Mais spécialement fièvre pestilente s'appelle lors qu'il y a moins de venin & de Contagion, & quoy que plusieurs meurent les autres toutesfois ne restent infectés, ou pour le moins ce ne sont que ceux qui ont force disposition, & qui conuersent familièrement avec les malades, ou bien quoy que la Contagion & malice se trouuent en la fièvre: elles n'ont toutesfois atteints le souuerain degré, & partant plusieurs en eschappent.

La fièvre maligne est encore moindre, & bien qu'elle soit accompagnée de grands Symptomes, toutesfois le nombre de ceux qui en meurent est moindre, soit que telles fièvres soient epidimiques & procrées d'une cause cōmune, soit qu'elles soient sporadiques; c'est à dire, dispersez, & qu'elles ayent vne cause particuliere.

Puis qu'aux fièvres pestilentes & malignes, deux choses se rencontrent, à sçauoir la fièvre, & la qualité maligne & pestilente; On demāde avec qu'elle sorte de fièvre elle se peut cōiindre, quelques vns disent qu'elle peut estre ephémibe, putride & hectique: Ce que si nous voulons vn peu soigneusement peser, nous trouuerons qu'il n'y en peut auoir des ephémibes, nō plus que des hectiques.

Quant aux ephémibes, soit que nous accordions que les esprits se peuuent pourrir, soit que

nous le nions, la fièvre pestilente ne sera proprement ephémère : Car si les esprits ne sont capables de pourriture, & que la fièvre dont est question s'engendre de pourriture, il n'y aura point de fièvre ephémère pestilente: que si nous accordons que les esprits se peuvent pourrir, & que de leur pourriture s'engendre la fièvre: elle ne sera pourtant de même nature que les fièvres ephémères vulgaires, auxquelles ne se trouve aucune pourriture, mais seulement vne ebullition & chaleur demesurée des esprits, sans corruption & changement de toute leur substance.

Je ne veux pas nier que quelque venin n'attaque premièrement les esprits, comme on a remarqué en la peste de ce temps: Toutesfois puis qu'ils sont corrompus & destruits, telle fièvre ne peut estre du nombre des ephémères, & bien que l'une & l'autre ne dure long temps, toutesfois l'issuë en est tout à fait dissemblable, veu que l'ephémère vulgaire est sans peril, & la pestilente qui s'attache aux esprits est si dangereuse, que peu en releuent, & la pluspart en meurent promptement.

Quant aux héctiques, il est certain qu'aux fièvres pestilentes le cœur est offensé, & peut estre qu'il se putresce & corrompt, la fièvre toutesfois qui prouient de ceste corruption, ne peut estre appelée proprement héctique, d'autant qu'en l'héctique bien que la substance du cœur patisse, toutesfois ceste maladie consiste en vne intempérie chaude: Or aux fièvres pestilentes le cœur ne s'es-

chauffe pas seulement outre mesure, ains se corrompt. L'hectique vulgaire dure long temps auant que le malade meure, en la pestilente, si ainsi on l'a veu nommer, on meurt bien tost.

Nous concluons donc qu'en toute fieure pestilente & maligne, il n'y a pas seulement changement aux premieres qualitez, mais encore quelque pourriture ou corruption: Et partant nous les mettrons au nombre de celles qui dependent de la pourriture des humeurs: Toutesfois parce qu'il y a quelque difference entre elles, & que la substance du cœur quelquesfois est la premiere attaquée, quelquefois les humeurs, autre fois les esprits, puisque nous n'auons pas d'autres noms, nous les pourrons appeller les vnes hectiques, les autres putrides, les autres ephemibes, à raison de la ressemblance qu'elles ont avec celles qui sont ainsi proprement appellées.

En fin parce qu'il faut auoir plustost esgard en ces fieures à la malignité qu'à la pourriture, leurs differences doiuent estre prises de leur difference malignité: Mais parce que la nature de ceste malignité nous est incognüe, nous ne pouons establir d'autres differences que celles qui sont prises des Symptomes, par le moyen desquels ceste malignité vient à se produire: Car qu'il n'y ait difference de malignité, on ne le peut nier, puis qu'on a obserué que les remedes qui ont esté vtiles en vne constitution pestilente, n'ont de rien profité en vn autre, ce que sans doute prouient de la di-

uersité du venin: Et les Modernes ont fort bien remarqué que le venin pestilent imite quelques-fois celuy de la Vipere: quelquefois de la Cigue: Maintenant celuy du *Napellus*: autrefois celuy du serpent appellé *Dipsas*, ce que doit estre obserué pour la cure.

*Des causes de la peste, & premiere-
ment de l'air.*

CHAPITRE XIV.



Vis qu'il n'y a aucune maladie qui afflige le gère humain avec plus de violence que la peste, en la recherche de ses causes, il faut môtter par dessus les causes des autres maladies. Les vrayz Chrestiens n'ont pas seuls cogneu que ceste calamité estoit enuoyée de Dieu aux hommes en punition de leurs pechez, mais encore les Idolatres: De là Homerc au premier de l'Iliade escrit, qu'en la guerre Troyenne Apollon enuoya la peste en l'armée des Grecs, à cause de l'iniure que fut faite à la fille de son Prestre. Quant à la façon qu'elle est enuoyée de Dieu, si c'est par le ministere des bons, ou mauuais Angés, ou autrement: Nous en lairrons l'explicatiō aux Theologiens, pour nous arrester à la recherche des causes naturelles.

D'autant que la peste est vne maladie commu-

ne, il est necessaire qu'elle soit engendrée d'une cause commune, qui n'est autre d'ordinaire que l'air que nous inspirons, comme nous enseigne nostre souverain Distateur en plusieurs endroits, & principalement au liure de *natura humana*; voicy ses propres termes *ὁπόταν ὑπὸ νοσήματος ἐνδὸς πολλοὶ ἀνθρώποι ἀλίσκονται κατὰ τὸν αὐτὸν χερόν, τὴν αἰτίην χρὴ ἀναπνεύειν τεύρω ὅτι κοινότατόν ἐστι, καὶ μάλιστα αὐτίω πάντες χρωόμεθα, ἐστὶ δὲ τεύρω ἀναπνεόμεν.* I. Lors qu'en mesme tēps plusieurs sōt atteints de mesme maladie, il en faut rapporter la cause à ce qui est commun, & donc principalement nous vsons tres-tous: Or cela n'est autre chose que ce que nous attirons lors que nous inspirons, c'est à dire l'air: Car quant à la façon de viure, elle n'en peut estre la cause, puisque de quelle sorte qu'on viue, on se trouue atteint de la mesme maladie selon le mesme: *ἐκ ἀν' ἐν τάγε διατήματα ἀπαίει, ὁπόταν διαπύμενοι πάντοι τεύρες οἱ ἀνθρώποι ἀλίσκονται ὑπὸ τῆς αὐτῆς νόσου.* Il est bien vray qu'en mesme temps toutes sortes de maladie ont vogue lors que la façon de viure de chascque particulier en est la cause: *ὁπόταν δὲ αἱ νόσοι γίνονται παντοδαπαὶ κατὰ τὸν αὐτὸν χερόν, δῆλον ὅτι τὰ διατήματα ἐστὶν αἰτία ἕκαστα ἐκάστοις.*

Si on nous oppose que le mesme au liure de *Flasibus*, apres la diuision des maladies en communes & disperses, dit que l'air est cause des vnes & des autres *ἀμφοτέρων δὲ τεύρειον, αἶπον ὁ αἶρ.* Je responds que quoy que ce Liure ne soit recogneu

pour legitime d'Hipocrate, que l'air est cause des maladies communes & disperſes diuerſement à ſçauoir ſeulement des communes, des disperſes *tanquam concauſa*: Car de l'air avec vne mauuaife nourriture est determinée certaine eſpece de maladie. On pourroit dire auſſi que l'eau vitieufe, & l'aliment ſont cause des maladies communes: le diſ que l'on faut rapporter ces cauſes à la malice des humeurs aptes à engêdrer vne tres-pernicieufe pourriture: or ceſte malice accôpagnée de la chaleur de l'air est vne cauſe de peſte ſuiuant Galien *lib. i. de diff. febr.*

*Du vice requis en l'air pour eſtre peſtilent,
& d'où il contracte ce vice.*

CHAPITRE XV.



P VIS que tous les Medecins auſſi Hipocrate demeurent d'accord que l'air est cause de la peſte: Il faut ſçauoir ſi c'est à raiſon de quelques ſemences veneneuſes qu'il contient en ſoy, ou parce qu'il est rendu apte pour engendrer le venin au corps diſpoſez en introduiſant vne chaleur contre nature ennemie de la naturelle, d'où s'enſuit que les humeurs n'eſtant plus regies par la chaleur naturelle ſe pourriſſent, & par conſequent reueſtent de la nature du venin. Nous diſons quoy que l'air concoure de ceſte ſorte lors qu'il

engendre la peste, & que par sa mauuaise constitution il corrompe les humeurs de nos corps; que irantmoins quelquesfois c'est à raison de quelques semences pestilentes attachées en iceluy, & de cela nous fait foy la mort subite & inopinée de ceux qui attirent vn tel air: Car quelques vns pour lors meurent si subitemēt, qu'il n'est pas possible que ce soit à raison du venin qui ait esté engendré en nos corps par vne constitution de l'air, telle que nous venons de dire.

Il ne s'ensuit pas pourtant qu'il faille de nécessité que tout l'air se soit reuestu d'vne nature de venin, mais suffit que ces semences de peste soient eparles çà & là,

Dire que l'air selon Aristote est plein de feu, & que le feu repousse loin de soy tout venin, comme tout autre chose: Il est vray que des vapeurs chaudes sont dispersées en l'air, mais plus ou moins en vn temps qu'autre, & ce n'est pas en si grande quantité, qu'elles puissent consommer tout autre nature en l'air. Nous pouuons adiouster que l'vn & l'autre se peut faire ensemble, & que l'air soit veneneux, & que par sa mauuaise constitution il corrompe les humeurs.

Quant au vice qui est requis en l'air, & d'où il le contracte: Je dis qu'il prouient d'vn changement en ses premieres qualitez, lors qu'il est tellement alteré, qu'il conçoit de la pourriture, principalement s'il est trop chaud & humide, bien que telle constitution ne soit la cause totale du venin

qui s'engendre en l'air, mais pour le moins qui le dispose & excite les autres causes prochaines: Car en temps de quantité de pluyes, il faut de nécessité que plusieurs vapeurs s'esleuent, lesquelles en vne constitution de l'air continuellement chaude & humide ne se peuuent resoudre, & par ainsi se pourrissent & corrompent, & finalement se reuestent d'une nature veneneuse: outre que la constitution de l'air chaude & humide introduit en nos corps vne grande pourriture. Mais parce qu'on a remarqué que la peste a eu vogue en Hyuer, en Esté, en temps sec, & pluuieux, bien temperé, & inegal, sans aucun changement notable aux saisons de l'année: Et qu'il n'est pas possible que la pourriture soit engendrée de toutes ces constitutions: Partant ie dis, que la peste ne s'engendre pas seulement lors qu'il y a du changemēt en l'air quant aux qualitez premieres, mais encore lors que sans aucune pourriture certaines semēces occultes & ordures qui de toute leur nature nous sont contraires sont engendrées en l'air, & c'est icy que peut auoir lieu le τὸ θεῖον d'Hipocrate. Il reste à vider la seconde difficulté, d'où l'air contracte ceste qualité veneneuse & pestilente: Elle ne prouient pas seulement du Ciel: Mais comme le Ciel lors qu'il agit en ce bas monde, excite des vents, pluyes, neiges, broüillards, & autres choses semblables: De mesme il se peut faire que des vapeurs pestilentes, sulphurées, & arsenicales cachées aux profondes cauernes de la terre

(le venin desquelles experimentent à leur grand dommage ceux qui tirent les metaux de la terre) soient agitées par l'action du ciel, & esleuées en l'air, dont apres est engendrée la peste.

DES ESTOILLES.

Les estoilles qui n'agissent pas seulement par leur lumiere & mouuement, mais encore par vn'influence particuliere n'introduisent pas seulement la peste, lors que par leurs qualitez manifestes elles changent la constitution de l'air; Mais encore par certaines influences occultes, qui ne peuuent estre esgalement salubres à vn chacun, à cause de la diuerse disposition des corps: Ce n'est pas à dire que toutes les estoilles de soy ne soient fort bonnes, & qu'elles ne conseruent, regissent, & entretiennent ce bas monde: Il en est de mesme que du chaud, du froid, & des quatre saisons de l'année, qui de soy ne sont mauuaises, ains toutes necessaires pour la conseruation de la nature vniuerselle: si est-ce que plusieurs indiuidus sont offensez, tant par le froid que par le chaud: Car la chaleur d'Esté de soy mesme est bonne & necessaire, & si elle n'est grande, les fruiets ne meurissent pas, & toutesfois la fieure est excitée par la mesme en vn corps impur & disposé: De mesme, bien que les Astres causent des changemens & alterations en nos corps, ils ne doiuent pourtant estre reputez mauuais: Car la contrarieté qui est entre les choses naturelles, n'est pas simplement

mauuaife, au contraire elle contribue à l'ornement du monde.

Des autres causes de la peste.

CHAPITRE XVI.



Vtre le ciel la peste est communi-
quée à l'air en plusieurs autres fa-
çons, premierement par le moyen
des vapeurs veneneuses, engen-
drées d'un air qui a demeuré long
temps clos, comme aussi des eaux
croupissantes, & qui se pourrissent en quelque
part, des Lacs & Estancs qui se corrompent en
temps d'Esté par la chaleur du Soleil, des corps
morts qui n'ont esté enseuelis, & c'est par ce mo-
yen que l'air concourt à engendrer la peste.

Nous auons dit que la mauuaife nourriture ne
peut engendrer la peste : Cela se doit entendre
lors qu'elle est differente : Car la raison, l'experié-
ce & l'authorité de plusieurs illustres Medecins
nous persuade le contraire, lors qu'elle est com-
mune, comme peut arriuer en temps de cherté,
aux Sieges de longue durée qu'il faut vser de mes-
mes viandes & eaux corrompues, d'où il est neces-
saire que s'engendrent de mauuaifes humeurs,
lesquelles ne pouuans estre regies par la chaleur
naturelle se corrompent & reuestent d'une natu-
re pestilente, & c'est ce qu'à donné lieu au pro-
uerbe : *μότα λιμῶ ἰοιμός* : apres la famine la peste :


il est vray que la corruption des humeurs contractée d'une mauuaise nourriture, se manifeste plus facilement, lors que de la part de l'air suruient quelque occasion.

Au vice de l'air & de la mauuaise nourriture nous ioinurons la Contagion : Car souuentefois la peste est transportée des autres lieux *per fomitem* que nous appellons *pestilentem*, & se communique premierement à peu de gens, s'en prend apres à plusieurs : Et l'experience nous a souuét enseigné que la peste s'est communiquée en ceste sorte, non seulement à vne Cité, mais encore à tout vne region, comme nous voyons en la peste de ce temps.

A la Contagion se peuuent rapporter les vnguents & poudres veneneuses, car les Historiens nous attestent la malice & perfidie de quelques scelerats auoir esté si grande, que de semer la peste avec poudres & vnguents, & fraichement dans Lyon ont esté pendus quelques vns conuaincus de ceste malice plus qu'endiablée.

De l'Imagination.

CHAPITRE XVII.

 N fin l'Imagination & frayeur peuuent auoir rang entre les causes de la peste : Car l'experience nous enseigne que quelques vns ont esté atteints de peste, quoy qu'il n'y eut aucune semence en


l'air, & qu'ils ne l'eussent receu par Contagion, seulement pour auoir veu à l'impourueu porter des infects à l'Hospital, ou sortir des morts d'une maison infecte, quoy qu'ils ne fussent morts de peste, nous n'en pouuons rendre vne raison manifeste: il est bien vray qu'elle a beaucoup de pouuoir à alterer les corps, les marques imprimées par l'imagination desnubes aux enfans nous en font foy: Et ce qu'est rapporté par Thomas Auega *comm. in artem paruum Galeni*; Vn certain dit-il, trauaillé de fièvre ardente, estant en resuerie, demanda qu'il luy fust loisible de nager dans cét Estanc (il monstroie le paué de son liçt) qu'il estoit bien assureé que par ce moyen il recouureroit la santé, & seroit soudain deliuré de fièvre, s'estant donc par la permission du Medecin vautreé quelque temps avec vn grand contentement sur ce paué, dit que l'eau luy estoit desia montée iusques aux genouils, & qu'il desiroit qu'elle montat plus haut, vn peu apres plus ioyeux, elle touche dit-il aux Aisnes, & ainsi selon son imagination l'eau montant peu à peu iusques au gosier, tressaillant de ioye, dit qu'il estoit guery & exempt de fièvre, ce que de fait arriua.

Quant à la raison, quelques vns disent que les semences de peste peuuent demeurer quelque temps cachées aux corps, & qu'apres elles sont excitées, & reduictes en acte par la frayeur, & lors qu'on arreste la pensée avec plus d'attention sur la peste; Tout de mesme que par la frayeur, &

pensée plus attentifue de la rage, les semences de rage qui estoient comme assoupies, sont excitées en ceux qui ont esté mordus par des animaux enragez : Nous pouuons adjouster qu'en de peste est introduicte aux corps par les causes superieures quelque disposition à la peste, laquelle apres est reduitte en acte par la frayeur & apprehension. Quoy qu'il en soit, il est bien assuré que les humeurs peuent estre agitées diuersement & corrompues par les passions, & que l'imagination téd tousiours à vn particulier & determiné changement ; Et comme la femme enceinte effrayée du sang espandu, imprime vne marque de sang à l'enfant : De mesme ceux qui ne craignent & ne pensent qu'à la peste, par ceste crainte & imaginatiõ causent ceste corruptiõ determinée aux humeurs ; Et il est tres-certain que si quelqu'vn vient à humer quelque semence de peste, & qu'en mesme temps il ait peur, & pense attentifument au peril, rarement recouuera la santé, qu'elle diligence qu'on apporte à le guarir ; Car le venin est conduit par ce moyen au plus profond du cœur, d'où à grand peine peut-il estre r'appellé ; Et tant s'en faut que la faculté vitale soit prompte à l'expeller, qu'aucontraire elle succombe presque tout à fait.

Des Signes auant-coureurs de la peste.

CHAPITRE XVIII.

 L est necessaire au Medecin de preuoir la peste future, pour en preseruer. & la cognoi-

stre lors qu'elle est presente pour en guarir : & par consequent qu'il soit instruit des Signes d'une & d'autre.

Les Signes de la peste future sont prins des causes qui d'ordinaire l'engendrent: Soit qu'elles soient presentes : Soit qu'elles ayent precedé. Or puis qu'entre icelles nous auons mis la Contagion, à bon droit la peste est à craindre, lors qu'elle est au voisinage, car si on ne se donne diligemment garde, elle se peut transporter par le moyen de l'air, des vents, & commerce des lieux infects.

Si les causes qui peuvent infecter l'air ont precedé, comme si des vapeurs malignes se sont esleuées des cauernes de la terre, & qu'elles ayent infecté & corrompu les arbres, herbes & semences: Si plusieurs corps morts ont demeuré sans sepulture, & ainsi des autres causes que nous auons auparauant rapporté, on pourra avec raison entrer dans le soupçon d'une future peste : le mesme se peut colliger de la charté des viures & de l'usage de mauuaises viandes : Mais parce que ce venin nous est caché, & que les causes qu'on dit causer la peste, le font occultement, c'est avec raison & conformement à l'experience, que Fernel a dit, qu'elle vient à nous assaillir quelquefois si obscurément, qu'on ne la peut cognoistre de premier abord, ny la force des causes qui la produisent, que par les effects & éuenemens. Partant nous ferons suiure les Signes qui d'ordinaire paroissent lors que le venin pestilent commence à se produi-

re. Premièrement s'il y a grande quantité de champignons & petits mousserons : si les plantes se flestrissent, pourrissent & sont comme suffoquées en herbe : si elles sont rongées de quantité de petits vermissieux & teignes : s'il y a abondance de grenouilles, crapauts, mouches, aragnées, papillons, sautereaux, chenilles, escarbots, & autres semblables insectes qui sont engendrez de la pourriture : Si les oiseaux quittent leurs nids & petits, pour se retirer dans vn air plus salubre ; si les taupes, rats, & autres animaux qui demeurent cachez dans la terre, laissent leurs tanières : si des petits poissons & grenouilles se trouuent mortes sur l'eau : si les brebis, bœufs, & porceaux meurent de tout costé : si le pain exposé à l'air au descouuert se moisit facilement : si la chair se corrompt en moins de temps, qu'elle ne souloit faire : si les abords sont frequents, & pour legere occasion : Car toutes ces choses nous indiquent que certaines vapeurs malignes, & veneneuses sont enuoyées d'en haut ça bas, ou qu'elles expirent des eaux, & cauernes de la terre, & causent apres la peste : Nous pouuons adiouster de Philostrate au Liure 4. & 5. de la vie d'Apollonius, si ceux qui sont sains tombent malades sans cause manifeste : Et c'est par ce moyen qu'Apollonius Cynaëus predit la peste à Epheses, parce qu'il deuiet malade : Quelques vns ont remarqué que la rareté des cigales a presagé ceste maladie, parce qu'elles viuent de roses, & qu'en telle saison il y en a

fort pei : Et lors que les morbilles & petite vérole paroissent indifferemmét aux petits & grands, & que la pluspart en meurent ; Si les Antraxe & Carboneles sont frequents, c'est signe que ceste malignité se glisse desia dans les corps humains.

Des Signes Diagnostiques, & prognostiques de la peste.

CHAPITRE XIX.



Vant aux Signes Diagnostiques, il faut remarquer que lors que desia plusieurs sont frappez de peste, il n'y a pas difficulté à la cognoistre : Mais auparauant à peine pouuons nous auoir aucun signe pathognomonique, en vertu duquel nous puissions acertener, que le premier frappé en soit atteint: Car les Signes inseparables tirez de la nature du venin pestilent sont, que la peste tue la pluspart de ceux qu'elle attaque, & est grandement contagieuse: Or ces effects ne se peuuent descouirir pendât que le mal est caché en vn seul; Quantaux autres Signes ils se rencontrent presque tousaux autres fieures, principalement si elles sont malignes : Mais lors que la peste regne en quelque part, & qu'elle a desia commencé à s'espandre, elle se cognoist facilement par les Signes qui suivent.

Le premier propre & inseparable tiré de son essence, est qu'elle s'en prend à plusieurs, en tue la pluspart, & par Contagion se communique facilement à l'un & l'autre.

Le second, parce que ce venin est contraire principalement au cœur, est tiré de la faculté vitale, qui est plus lasche qu'en tout autre sorte de maladie: De là surviennent des palpitations de cœur, l'ipothymie, syncope, si grand'angoisse que les malades ne peuuent demeurer en repos, mais se tournent tantost d'un costé, tantost d'autre: Et ce manquement de forces arriue sans aucune cause manifeste, sans euacuation remarquable, sans veilles ny douleurs, qui d'ordinaire causent des foibleesses, pour ceste cause le poux est petit, languide, frequent, & inegal. La constitution donc naturelle du cœur, venant par ce moyen à se changer & peruertir, il s'ensuit après necessairement que la chaleur contre nature y a l'entrée libre, laquelle eschauffant les esprits & les humeurs causent des fieures par sa communication en tout le corps, qui sont ou ardenes dedans & dehors: ou tiedes dedans & dehors: ou ardenes dedans, & tiedes dehors: Car il ne se peut faire qu'elles soient tiedes dedans, & ardenes dehors; Parceque en toute fieure l'embrasement est tousiours plus grand au tour du cœur qu'en aucune autre partie du corps, d'autant que le siege de la fieure est autour d'iceluy.

Les fieures pestilentes sont ardenes dedans &

dehors, à raison de la grande pourriture qui ne se fait pas seulement aux grands vases, mais encore s'estend jusques aux parties externes, & vaisseaux les plus petits.

La fièvre tiède dedans & dehors paroist lors que le venin est plus grand que la pourriture: D'où nous pouuons colliger qu'il n'est tousiours veritable comme quelques vns ont dit, que les fièvres pestilentes sont engendrées d'une tres-grande pourriture, parce que s'il estoit ainsi, il faudroit de necessité qu'il y eut tousiours vn grand embrasement à l'interieur: outre l'experience qui nous fait foy du contraire, nous auons l'authorité de Galien IX. *simpl. medic. cap. de bolo armen. & d'Amicenn. c. de febre pestil.* qui escriuent que les fièvres pestilentes ont le plus souuent vne chaleur tiède & douce.

Les ardenes dedans & tiedes dehors, arriuent comme dit nostre Souuerain Dictateur *lib. 1. de morb.* parce que les humiditez exterieures estans desseichées, la chaleur manque de pasture, & faut par consequent qu'elle se diminue: Cela aussi se peut faire selon Gallien au 4. des Aphorif. *comm. 48.* parce qu'à raison du grand feu interieur, le sang presque de tout le corps y est retiré, duquel les parties exterieures estans destituées, demeurant de necessité tiedes.

Ses fièvres sont accompagnées d'un poux foible & frequens: foible, parce que les forces du cœur sont rebouchées par le venin: frequents &

pétirs, à cause de la necessité qu'il y a de rafraischir le cœur: quelquefois il est semblable à celuy des sains, parce que le cœur est attaqué de venin & non de pourriture.

En ces fieures la faculté vitale combat contre la matiere veneneuse, de ce combat sont excitez tant de cruels Symptomes.

Si la faculté naturelle du cœur est surmontée, de sorte qu'elle ne puisse chasser en aucune sorte le venin, ny combattre, pour lors s'ensuit la mort subite, sans aucun signe, & les malades meurent comme s'ils estoient frappez d'en haut.

Que si la nature ou faculté du cœur tasche d'expeller la matiere veneneuse, & qu'en ceste action elle demeure victorieuse, les malades se sauuent avec certains signes, quelquefois avec vne grande profusion de sang, quelquefois avec vn grand flux d'vrines, autrefois avec quantité de Carboneles ou Bubons: Car la matiere veneneuse qui est chassée par la faculté du cœur, est vaporeuse ou humorale.

Si elle est vaporeuse, où elle est chassée à la teste, comme arriue le plus souuent aux autres parties. Si à la teste, & qu'elle soit remplie de pituite, venant à se fondre, ces vapeurs causent des assoupissements: si fonduë elle est enuoyée, elle est enuoyée sous les aureilles, pour lors paroissent des Parotides: Si les membranes du cerueau sont infectées de ces vapeurs acres & ardentés, s'ensuiuent des douleurs de teste: & parce qu'en mesme

temps le temperament du cerueau est trouble, suruiennent les veilles, quelquefois folie, oubly & resuerie: Et d'autant que les esprits animaux en restent offensez, s'ensuit vn engourdissement de tout le corps, de sorte que pour lors on ne se peut mouuoir, si ces vapeurs sont enuoyées aux oreilles, ou aux yeux, elles causent des cornemens d'oreilles, & des esblouissements. Si elles sont pouffées à l'estomach, parce qu'elles sont veneneuses & ennemies de nature: s'ensuiuent des nauées, degoufts, & si grands quelquefois que les malades choisissent plustost la mort que de rien prendre.

Si ce sont des humeurs qui sont chassées par la faculté du cœur, ou elles sont crasses, mordantes, & adustes: ou crasses seulement & adustes: ou subtiles & acres.

Si elles sont crasses, adustes, & mordantes, elles causent diuers Carboncles, selon les diuerses parties, sur lesquelles se fait la descharge: s'ils sont grands & en nombre, ils sont le plus souuent salutaires; au contraire, s'ils sont petits: ils sont plus dangereux, comme aussi s'ils sont voisins du cœur, ou qu'ils occupent le gosier: De ceste matiere s'engendrent aussi diuers petits vlcères, & pustules transparentes semblables à celles qui s'esleuent lors qu'on s'est bruslé, remplies d'une humeur bilieuse ardente.

Si ces humeurs sont crasses, & adustes seulement se font des tumeurs, tantost sous les oreilles: tan-

roist sous les aisselles, & le plus souuent aux aines, parce que la matiere estant crasse, à raison de sa pesanteur est portée naturellement en bas: Ces tumeurs sont grandes ou petites, selon que la matiere est plus ou moins abondante. Si elles sortent promptement, & en lieu qui ne soit dangereux, & qu'apres les symptomes s'appaissent, il y a esperance que le malade releuera, comme aussi si elles sont grandes: Car bien que pour lors elles signifient abondance de matiere; Toutesfois elles marquent aussi vne grande force des parties interieures, & de la faculté expultrice, & signifient qu'il n'y a pas beaucoup de matiere veneneuse, qui n'ait esté vaincue & chassée par la nature: Il y a aussi moins de peril, lors qu'elles aduancent en dehors, & tendent à suppuration: Au contraire si elles paroissent tard; si elles sont petites, & que derechef elles viennent à disparoistre, & que la matiere rentre au dedans, elles sont mortelles.

Si les humeurs desquelles se descharge la nature, sont acres & subtiles: ou elles sont expulsées separement du sang, ou meslées avec le sang: Si separées du sang, elles sont poussées au ventre, lequel selon Hypocrate comme vne mer reçoit de tout le corps, & pour lors, ou c'est par la vessie, & on rend quantité d'vrine trouble, & semblable à celle des luments, tant à raison de la foiblesse de la chaleur naturelle, qu'à cause d'vne grande ebullition des humeurs, elle paroist quelque fois fort creué, & signifie vne grande debilité de la mesme

chaleur: quelquefois & le plus souuent elle est de couleur liuide, & plombée, à cause de l'extinction: Lors qu'elle peut c'est à cause de sa corruption & pourriture: Elle est quelquefois semblable à celle des sains, ce qu'arriue, ou parce que la pourriture n'est pas grande, ou bien que cela soit, la nature toutefois affoiblie par la qualité maligne n'ose entreprendre la coction, & partant ny survient aucun changement, à cause de ceste variété à grand peine pouuons nous tirer aucun signe assure de peste par la voye des vrines: Si par le ventre, s'ensuiuent des flux, colliuations, & dysenteries, dont plusieurs meurent. Si par la bouche, suruiennent des vomissemens, crude & bilieux, quelquefois sortent par haut & par bas par la force du venin, des vers, tantost vifs, tantost morts, qui s'estoient engendrez auant la maladie.

- Si ces humeurs subtiles sont expulsées, meslées avec le sang, ou c'est par haut, & de là arriue qu'on rend quelques gouttes de sang par le nez qui toutes sont mortelles: Quelquefois s'ensuiuent de grandes hæmorrhagies, qui d'ordinaire sauuent les malades, que si ces humeurs meslées avec le sang sont poussées dehors par le cuir, ou c'est en petite, ou grande quantité, venans à sortir par les veines rarefiées, elles causent ces petites taches rondes bonnes ou mauuaises selon la couleur, les plus assurees sont les rouges (d'où est appellé le pourpre) causées d'un sang bon & temperé, lors qu'il conçoit de la pourriture, & change de natu-

re: Les iaunes ou vertes sont de pire condition, parce qu'elles marquent que la bile predomine, & conçoit vne pourriture maligne: Lors que la melancholie ou aduste se pourrit, elles paroissent noires, & sont les pires de toutes: S'ils sont en grande quantité, les petites veines semées par le cuir, à cause de l'abondance du sang se rompent, rompues qu'elles sont, le sang se prend & caille entre le derme & epiderme, d'où paroissent ces marques si larges, & qui rapportent à celles qui suruiennent à ceux qui ont receu les estriuieres.

Il faut marquer qu'il n'y a point de maladie en laquelle on se trompe plus facilement qu'en la prediction de ceste cy, lors que plus elle nous flatte, elle nuit dauantage, & lors qu'il semble que le tout va bien, la mort suruient, & ceux qu'on croyoit deuoir mourir, releuent contre toute esperance: Nous pouuons toutesfois auoir quelque cōjecture de ce que doit arriuer par les signes que nous venons de parcourir, ausquels nous pouuons adjouter que le malade est en extreme peril, si apres le sommeil il est trauaillé, s'il a tremblement & defaut de cœur; Si l'alienation d'esprit, conuulsion, veilles, ou assoupissements perseuerent: s'il vomit tout ce qui prend, si les extremittez sont froides, comme aussi la sueur, si les excrements sont de diuerses couleurs, noirs & puants; Car pour lors la pluspart des malades meurent. Si le venin ne donne temps pour la pourriture des humeurs, ils meurent comme nous auons dit subi-

tement sans aucune marque, quelquefois ne paroissent aucunes taches qu'après la mort, parce que la faculté retentricice perdue avec l'ame, les humeurs qui sont agitées d'une chaleur contre nature, se meuvent çà & là, & à cause de leur tenuité sont portées au cuir, auquel elles adherent.

Or soit que la peste se termine à mort, ou à salut, c'est vne maladie aiguë, & principalement lors qu'elle est mortelle: Elle tue maintenant dans l'espace de 24. heures, & en beaucoup moins, comme nous voyons en la peste de ce temps: Maintenant au 3. 4. 5. 7. iour, & c'est rarement qu'elle s'estend au delà du quatorziesme.

Des Signes des fieures pestilentes, ephemere, putride, & hectique.

CHAPITRE XX.

SIl la fieure pestilente n'est qu'Ephemere, elle se cognoist d'une grande & subite foiblesse, & bien que les malades semblent quelquefois prendre force, ils retombent incontinent, les syncopes, & defauts de cœur sont frequents: le poux inegal, foible, & languide, parce que les esprits defaillants, la faculté vitale ne se peut acquitter de son deuoir, & defaut au milieu de son action: C'est-ce qui est cause de ceste grande inegalité: les vrines sont presque semblables aux naturelles:

Il n'ya ny Bubons, ny Carboncles, ny Parotides, ou autres marques.

En l'Humorale se voyent des Bubons, Carboncles, Parotides, Pustules, & autres rasches & signes, qui d'ordinaire paroissent aux fieures putrides.

L'Hectique est accompagnée d'une grande deffiance de forces, avec vn poux debile, parce que le cœur n'est pas seulement trauaillé d'intemperie, mais encore corrompu par vne qualité maligne: Et de mesme qu'aux autres Hectiques, le malade à grand peine s'apperçoit qu'il ait de la chaleur, & ne se plaint d'autre mal que d'une grande foiblesse.

De la preservation de la peste en general.

CHAPITRE XXI.



Our se preserver de la peste sont requis certains conseils touchant le public & le particulier: l'appelle conseils publics, ceux que les Magistrats doiuent receuoir des Medecins, & faire en sorte qu'ils soient diligemment obseruées. Car comme dit M. Catolib. i. *de re rusti. & si salubritas qua ducitur à cælo & à terra non sit in potestate nostra sed natura, si eum tamen est in nobis, ut ea que sunt grauiora precautionem diligenti leniora efficiantur.*

Le premier Conseil est de defendre à vn cha-

cun estroitement, & sous peine d'auoir commerce avec ceux qui habitent les lieux infects de peste, qu'aucune marchandise n'en soit apportée, & en cas que cela arriuat par imprudence, qu'elle demeure l'espace de 40. iours hors la Ville & Faux-bourgs exposée à l'air.

2. Qu'aucun ne sera admis dans la ville ny Faux-bourgs d'icelle, qu'au prealable il n'ait fait foy du lieu, dont il vient par acte public & approuué.

3. Qu'il sera enjoinct aux Medecins, Chirurgiens & Apothicaires, s'ils rencontrent quelqu'un frappé de peste, de le denoncer aux Magistrats établis pour les affaires qui concernent la santé.

4. Que les Magistrats defendront que personne n'aye à sortir de la maison infecte, & se mesler avec le peuple: comme aussi que personne n'aye à y entrer ny conuerser avec les infects, & que cependant on pouruoirà aux necessitez des particuliers & du public.

5. Que les rues publiques seront tenues nettes de tous excrements, & l'intemperie de l'air corrigée, tant que faire se pourra par le moyen des feus frequents, tant publics que priuez: & faudra auoir le mesme soin, à ce que les Faux-bourgs soient tenus nets, dans lesquels personne n'entrera voyageant des lieux infects: Etc'est de la sorte au rapport de Lucian, que Toxalis Medecin deliura la ville d'Athenes de peste, pour auoir fait netoyer les rues, & arrouser de vin tous les Carrefours.

6. Les Magistrats iniberont de vendre publiquement vieux habits, linges, & autres meubles de maison.

7. Les meubles de peu de valeur infects seront bruslez hors la ville, ou de nuit aux places publiques: Ceux qui sont de prix seront diligemment nettoyez aux parfums & lexiue. Il sera aussi expedié de brusler les maisons s'il se peut faire sans grand dommage, comme les petites loges de peu de valeur.

8. Que l'eau dont se sert le peuple soit salubre, & partant puisée du courant, & non des riuages: Car comme dit Aristote *refert ad salubritatem quæ aqua hominès utantur*, & Vitruue *lib. 1. c. 4.* escrit, que ceux qui bastissent des villes doiuent estre sur tout soigneux des eaux.

9. Qu'on defendra l'entrée de la ville aux pauures estrangers, & que les Habitans seront nourris aux despens du public, ou des aumosnes des Citoyens que chacun sera tenu de faire à sa volonté, ou selon la portée de ses commoditez, afin que les pauures se contiennēt dans leurs maisons, & qu'ils n'aillent vagabonder dans les Eglises & lieux publics. Ce conseil autrefois a esté fort profitable aux Venetiens au rapport de Sabellicus.

10. Que personne n'entretiendra dans la ville des animaux immondes, comme porceaux, oysōs, canards, pigeons & semblables oyseaux qui infectent de leurs excréments les maisons.

11. Qu'en la boucherie ne seront exposées en

vente, chairs, que d'animaux sains & bien constitués : Car Dyonisius Halicarn. escrit qu'à raison de l'usage de chair de Taureau survient la peste à Rome, qui s'en prenoit principalement aux femmes enceintes, vierges, & ieunes enfans, & de là furent establis les ieux appellez Taurij.

12. Les poissons pourris & puants doiuent estre iettez dans l'eau, & l'usage tout à fait defendu : Si on accorde les salez, comme saumons & merlus, il faut qu'ils soient exposez en lieux escartez & voisins du fleuve.

13. Tous champignons seront inhibez, parce qu'ils engendrent vn suc qui se corrompt facilement, comme aussi toutes autres mauuaites viandes.

14. Les corps morts seront inhumez de nuit hors la ville s'il se peut faire commodement, ou bien en lieu expose à l'air dās les fosses profondes : Car au rapport de Diodorus Siculus, les corps morts pour auoir esté mal enseuelis, causerent la peste aux Chartagino, quelques vns les couurent de chaux pour consommer la pourriture.

15. Ceux qui sont frappez de peste seront conduits de nuit à l'Hospital des infects, si commodement & sans detrimement du public ils ne se peuvent contenir dans leurs maisons avec vn Chirurgien & autres choses necessaires, & s'entretenir à leurs frais & despens : il vaut toutesfois mieux les sortir de la ville, où l'air est plus libre & plus pur : Et c'est pour ceste cause que les Romains ba-

pour se preseruer de la peste.

61

stirent vn Temple à Aesculape hors la ville, parce que la santé y est plus grande.

16. Ceux qui seront dás les lieux infects exépts de mal, changeront d'habits, de chambre, & si faire se peut d'air, & auront recours à l'vsage des antidotes conuenables.

DE LA MANIERE QV'ON DOIT

DESINFECTER LES MAISONS.

LEs maisons des infects doiuent estre nettoyyées diligemment de toutes ordures & toilles d'atagnées, toutes les fenestres ouuertes: Il faut lauer les tables, bancs, & autres semblables meubles avec eau & du vinaigre le plus fort, les fenestres apres fermées on excitera des parfums propres.

C'est chose fort commode de ietter d'eau sur la chaux viue dans la Chambre, & n'y a rien de plus efficace.

Quelques vns font des parfums de bayées de genieure, fúeuilles de ruë, de chesne, & d'absynthe.

On peut aussi verser sur des caillou ardents, du vinaigre rosat, de ruë, ou quelqu'autre bezoardi que.

Ceste poudre est fort recommandée pour auoir esté trouuée fort vtile aux constitutions pestilentes, non seulement pour purifier les maisons infectes, mais encore pour les preseruer, si on s'en sert matin & soir en parfum.

Prenez quatre poignées de graines de genieure, ruë, & d'

cine d'helenium, sabine, corne de bouc raspee, de chacun deux poignées, feuilles de chesne, myrrhe, de chacun vne once, en soit faite poudre pour parfum.

La poudre d'arquebuse n'y est pas inutile, le lendemain du parfum on ouurira toutes les fenestres, & sera à propos de le reiterer.

En fin il seroit bon de blanchir les murailles de la chambre de nouvelle chaux, comme on faisoit anciennement celles des ladres.

Pour les habits qui ne se peuent commodément mettre à la lexiue, ils seront long temps exposez à l'air, & apres diligemment secoüez & parfumez.

MOYEN DE COGNOÏSTRE SI LA CHAMBRE EST DESINFECTÉE.

POUR sçauoir si la Chambre est nette de tout venin, quelques vns en font la preuue en ceste sorte, ils diuisent en deux des pains fraischiement tirez du four, les attachent à vne perche aux lieux infects, s'il y a encore du venin, ils disent que le pain se pourrira dans l'espace de 24. heures, & que pour ceste cause il faut auoir soin de l'enterrer fort profond.

D'autres font battre des œufs frais dans vn bassin, & assurent qu'ils se corrompront dans ce mesme espace de temps, s'il y a encore quelque reste de venin, & contracteront vne grande puanteur: Il y en a mesmes qui croyent que s'ils sont mis entre les infects, & ceux qui sont sains, ils receuront la contagion, & empeschent qu'elle ne

se communique, & que ceux qui visitent les infects se peuvent garantir par ce moyen.

Quelques vns conseillent de mettre vne crouste de pain chaude à la bouche du malade, lors qu'il s'en va mourir, afin que le venin s'y insinüe, & que les maisons ne restent infectées.

D'autres remplissent quelque vase d'eau chaude à la chambre du malade, afin que le venin pestilent s'y fourre dedans, on y peut ietter vne poignée de vitriol, & des tuiles chaudes.

De la preservation des Particuliers.

CHAPITRE XXII.



VANT aux aduis qui concernent les Particuliers, le plus asseuré est de changer d'air: C'est le remede que le vulgaire dit despendre de trois aduerbes, *ciud, longè, tardè*: qui ont plus de vertu que trois boutiques d'Apothicaire les mieux assorties: Car si on ne se retire tost des lieux infects lors qu'il est loisible, on peut receuoir lors que moins on y pense la Contagion, & par ce moyen estre apres frappé de peste és lieux estrangers: Il faut aller loing, d'autant qu'elle se peut estendre és lieux voisins: reuenir tard, parce que ceux qui reuiennent auant que le mal ait pris fin, sont plus dangereux que ceux qui n'ont desfogé.

S'il n'est pas loisible de changer d'air, il faut

faire en sorte de corriger sa mauuaise qualité, & suiure le conseil que donne *Gall. lib. 1. de differ. feb.* où il enseigne, que le premier & principal buë qu'on se doit proposer pour se preseruer des maladies pestilentes consiste à disposer nos corps, c'est à dire les vuidier de leurs excrements, & les rendre perspirables: Le second, à resister tant qu'on pourra à la cause efficiente, nous enseignerons premierement à corriger la mauuaise qualité de l'air.

*Des moyens de corriger la mauuaise
qualité de l'air.*

CHAPITRE XXIII.



L faut auoir le soin de fermer toutes les fenestres vers le midy, & que celles du costé du Septentrión soient ouuertes: Par ce moyen Cocyra fut deliurée par M. Varro de la peste qui la menaçoit; La raison en est non seulement, parce que le Midy est chaud & humide, & partant augmente la pourriture, mais encore parce que au rapport de Pline *lib. 7. c. 15.* la peste est portée le plus souuent du midy à l'Occident.

L'air sera alteré par parfums de bonne odeur, de grains de genieure, encent, benjoin, styrax, ladanum: Mais principalement par feux de bois odoriferants, comme genieure, cyprez, bois de chefne;

pour se preseruer de la peste. 63

chesne, sarmants de vigne, bois d'aloës, therebin-
tine, sabine, rosmarin, lauande, sauge, majorai-
ne, laurier, ruë, &c.

LES TROCHISQUES SVIVANTS

seront propres pour cét vsage.

Prenez benjoin, styrax, de chascun demy once : bois de
genieure, ou sabine vne dragme; racine d'Angelique
vn scrupule : avec la gomme tragacant infusée en eau
rose, y adioustant quelques grains de musc, soient faictz
trochisques pour parfum.

ON SE POVRRA SERVIR POVR

le mesme effect de la poudre que suit.

Prenez quatre onces de bois de genieure, graines de genie-
ure, & de laurier de chacun vne once; ambre com-
mun, encent, myrrhe, styrax, benjoin, de chacun de-
my once, le tout meslé en soit faicte poudre.

Parce que l'air est principalement attiré par la
bouche & les narines, lors qu'on sortira de la mai-
son, il faudra flairer de bonnes odeurs, comme
certaines herbes & fleurs, mais principalement
de la ruë, citrons, limons, Oranges, & autres sem-
blables.

Il fera bon de porter quelque sponge, ou linge
trempé dans le vinaigre rosat, ou bien fait avec
la ruë, & le porter souuent au nés, il se pourra fai-
re en la maniere que s'ensuit.

Prenez vne petite poignée de ruë pilée en l'arrosant de
fort bon vinaigre, exprimez en apres le suc, y adiou-
stant le pois de demy escu d'Angelique, de camfre &
suffran de chacun la sixiesme partie d'vn escu, trem-

pez: y une sponge, pour l'usage qu'à esté dit.

ON SE POVRA SERVIR DE POMMES de senteur par exemple.

2^{me} POMME DE SENTEUR.

Prenez du ladanum le plus pur le poids de deux escus, de racine d'Iris, de poudre de cloux de gyrossle, noix muscate, & canelle de chacun le poids de demy escu: la sixiesme partie d'un escu de camfre: d'huile distillé de ruë, & d'Angelique, de chacun cinq ou six gouttes: ambre, & ciuette, de chacun trois ou quatre grains: avec le muscilage de la gomme tragacant tirée avec eau rose sera faicte une masse pour en former une pöme. **EN TEMPS D'ESTE' CELLE QUI** suit sera meilleure.

Prenez une petite poignée de roses rouges, demy poignée de violettes: santal, cirin, & storax de chacun le poids de demy escu: esoonce de citron & fleur de noix muscate, de chacun la troisiésme partie d'un escu: Camfre la sixiesme partie d'un escu: six grains d'huile distillé de ruë, ciuette, musc, & ambre de chacun deux grains, avec la muscilage de la gomme tragacant soit faicte une masse comme dessus.

Il se faut oindre les narines & les dents de theriaque, ou d'huile de ruë, de Zedoaria, d'Angelique, d'escorces de citron, de cloux de gyrosses, de noix muscate, de quelque vinaigre, ou eau bezoardique, ou bien faire vn liniment d'huile de la semence, ou racine d'angelique, avec vn peu de cire blanche.

pour se preseruer de la peste.

67

LINIMENT POVR S'OINDRE LES narines, les temples & region du cœur.

Prenez de bonne theriaque, & mithridat de chacun vn once: myrrhe, benjoin, styrax de chacun la troisieme partie d'un escu, santal citrin, escorce de citron, cloux de giroffle, de chacun vn scrupule & demy; Camfre la sixiesme partie d'un escu; du vinaigre fait avec du scordium, & de l'eau rose, de chacun tant qu'il suffiras du tout bien meslé en sera fait liniment.

VINAIGRE BEZOARDIQUE.

Prenez deux poignées de scordium, demy poignée de ruë, des summites, d'absynthe deux dragmes, de myrrhe vne dragme & demy, de theriaque demy dragme, de camfre vne dragme, de Zedoaria, cloux de gyroffle, macis, castoreum de chacun deux dragmes, de bayes de genieure demy once: Il faut mettre le tout en suffisante quantité de vinaigre rosat, & le laisser infuser.

On y pourra tremper des esponges pour flaiter il seruira aussi en parfum ietté sur des tuiles ou caillous ardents, pris interieurement il preserue & guarit de la peste.

SACHET POVR APPLIQUER SVR la region du cœur.

Prenez des fleurs cordiales de chacune vne petite poignée, fleurs de rosmarin demy poignée, feuilles de scordium, majoraine, melisse, de chacune vne poignée, racine d'angelique demy once, escorce de citron sec, le pois de deux escus, racine d'iris le pois d'un escu, semence de vinette, coriandre, de chascune le pois de deux escus, semence de basilic, le pois d'un escu & demy, semence

de citron, santal citrin, bois d'aloës, nois muscate, maj-
fis, de chacun le pois de demy escu, saffran la troisieme
partie d'un escu: le tout soit mis en poudre, de laquelle
seront fait des sachets avec taffetas & drap du coton,
on y peut adiouster du musc & de l'ambre.

SACHET POVR LES HABITS

qui se referuent dans les coffres.

Prenez fleurs de lauande, & roses rouges, de chacune vne
poignée: violettes, nymphea, melisse, basilic, de cha-
cun vne once, de ruë, & ros marin, de chacune demy
poignée: escorce de citron, santal citrin, de chacun
demy once: Racine d'Iris, le pois de deux escus, cloux
de gyroffle, macis, benjoin, de chacun le pois de demy
escu, quatre grains de musc, ou tant qu'on voudra (pour
les femmes il le faut quitter) soit fait sachet.

Il est vtile de se lauer la face, les mains, les aï-
selles, les eisnes de quelques odeurs, comme vi-
naigre simple, ou rosat: eaux d'angelique, roses,
lauande, y adioustant quelque peu de camfre, ou
eau nasse.

Quelques vns espendent quelques gouttes
d'huile distillé des Aromates dans les oreilles.

LINIMENT POVR LES POUX.

Prenez du suc de l'herbe appelée cardiaca, du suc de me-
lisse, de chacun le pois de deux escus: Camfre dissout
en eau de vie, le pois de demy escu, saffran la troisieme
partie d'un escu, avec un peu de miel soit fait l'ini-
ment pour oindre les poux.

La graisse de serpent seruira pour oindre la re-
gion du cœur, avec le suc de citron & theriaque.

On ne sortira point de la maison qu'une ou deux heures apres le soleil leué, iusques à ce que les broüillards soient dissipéz : & faut auparauant auoir pris quelque chose par la bouche, comme vne noix confiteauec deux doigts de vin, ou quelque Alexipharmaque de ceux que nous dirons.

Il faut tenir à la bouche lors qu'on sortira d'angelique, ou escorce de citron: On doit fuir les assemblées: C'est pourquoy les Magistrats sont tres-bien de deffendre les danses publiques, bains, escholes, foires, & marchez; que si on ne peut eüiter de se trouuer parmy les infects, ou soupçonnez tels, il se faut donner garde de n'auoir le vent contraire, & en parlant se tenir à costé, regarder par les fenestres dans les maisons infectes n'est pas sans peril.

*Des venins qui se peuuent porter sur la
region du cœur.*

CHAPITRE XXIV.

LES venins qu'on croit mûnir le cœur contre le venin pestilent sont approuuez non seulement des Empyriques, mais encore de plusieurs doctes Medecins, quoy que d'autres les reprobent.

Mathioliouë grandement l'huile de Scorpion: il se pourra preparer avec moins de trauail de la

forte.

Prenez huile de scorpion bien préparé le pois de deux escus : Theriaque le pois d'un escu, qu'ils soient mestez ensemble pour oindre la region du cœur ou l'appliquer avec draps.

On approuue aussi des sachets faits de Reagal, Arsenic, & Sublime portez sur la region du cœur. C'est par ce moyen qu'Adrian 6. Pape se guarétit de ceste peste si cruelle, de laquelle moururent tant de grands personages à Rome, Cardinaux & Euesques, les principaux entre les Turcs se seruent de ce remede : Et les Medecins de Venise attestent auoir experimenté sa force en ceste grande peste, de laquelle ils furent trauaillez l'an 1576.

Si vous desirez scauoir d'où prouient ceste vertu; les autheurs qui les recommandent en parlent diuersement.

Les vns rapportent la cause de cét eueneement à leur chaleur & siccité, en vertu de laquelle ils consomment les vapeurs veneneuses de la mesme sorte que fait le feu.

D'autres disent que l'Arsenic appliqué est vn Alexipharmaque, & qu'il fortifie le cœur, quoy qu'autrement il nuise en rongean. On pourroit dire que par ce moyen le cœur s'accoustume au venin, d'où s'ensuit qu'apres il le supporte plus facilement : De sorte que ceux qui s'accoustument à l'arsenic, peuent sans peril viure dans vn air pestilent.

Quelques vns adioustent que lors que le cœur

sent la qualité de l'arsenic, il se retire, si bien que par ce moyen la systole est rendue plus forte que la diastole: Or par ce mouuement il repouffe avec plus de vigueur qu'il n'attire, ce qu'est requis en temps de peste.

Il y a plus de probabilité de dire que par vne ressemblance de toute leur substance ils attirent à soy le venin pestilent; soit auant qu'il soit receu dans le corps, ou lors qu'estant receu, il est rappellé en dehors par vne sympathie particuliere des vns avec les autres; C'est pourquoy il ne les faut pas mesler avec d'autres medicaments, de peur que leur force ne soit abbatue par le meslange: Et se faut donner garde que ces sachets ne s'eschauffent par le moyen du mouuement, de peur que leur qualité veneneuse ne se comunique au cœur par les pores du cuir.

C'est pour ceste raison qu'on adiousté à la theriaque la chair des Viperes, parce qu'elles attirent à soy le venin des autres serpents, les Scorpions, guespes, & frelons sont appliquez sur leur morsure, selon *Gall. lib. de theriaca ad Pison. c. 10.* la morsure du Crocodile se guarit par l'applicatiõ de sa graisse: de mesme la chauue-fouris escrasée sur sa playe la guarit.

La façon des Sachets sera telle que suit.

Près arsenic cristallin tant que tu voudras, formes-en des petites masses avec blanc d'œuf, ou Gomme arabique, ou tragacant qui seront seichez à l'ombre, & puis en-

ere du coton en sera fait sachet de soye pour appliquer sur le cœur.

Quelque vns y meslent de la poudre d'un crapaut sec, avec heureux succez.

Des preseruatifs qu'on pend au col.

CHAPITRE XXV.

L'Argent vif est fort recommandé il en faut remplir vne noisette, laquelle bien bouchée on portera pendue au col iusques sur la région du cœur. Mars Ficinus prouue par plusieurs exemples qu'il est grandement profitable: Et s'est veu en quelques vns en mesme temps qu'ils ont esté frappez de peste par Contagion, que les noisettes qui contenoient l'argent vif se sont mises en pièces. Outre la particuliere sympathie que nous auons dit estre entre les venins, il a le pouuoir de resoudre les matieres crasses, & les dispose à estre ietées dehors: Et c'est par ce moyen qu'on croit qu'il corrige le defaut du laict, en attenuant le sang qui ne pouuoit penetrer aux veines & glandes des mammelles pour estre trop grossier. De là les femmes de Padouë en portent pendu au col dans vne noisette avec heureux succez pour remettre le laict, quoy qu'elles s'en seruent avec superstition, parce qu'elles ont opinion qu'il est bon contre les enforceleries qui font perdre le laict.

On

On croit que le Saphir, l'Hyacinte, l'Esmerau-
de, l'Yuoire, la Licorne pendus au col, en sorte
qu'ils touchent la poitrine nuë, ont quelque
vertu particuliere.

De mesme les racines de Pentaphillum, & de
Dictame, & la Betoine si elle est portée avec sa
racine entre les mains.

Ioannes Rhenanus, recommande le remede sui-
uant pour vn parfait preseruatif, propre à destour-
ner la Contagion pestilente, & les impressions ce-
lestes.

*Prenez deux onces de poudre de crapaut sec: Arsenic
cristallin, & Citrin, de chacun demy once, mercure,
sublimé, farine de fourment, racine de dictame, ou
tormentille, de chacun le poids de trois escus: saffran,
hyacinthe, esmeraude, de chacun la troisieme partie
d'un escu.*

Du tout mis en poudre, il faut faire vne masse
avec muscilage de tragacant faite en eau rose, de
laquelle vous formerez des pastilles pour pendre
au col.

Pour destourner les impressions celestes, il en-
seigne de les preparer comme s'ensuit.

Il faut faire de petites boïttes d'acier propres
à receuoir le poids d'un escu & demy de ceste mas-
se, lors que la lune aura atteint la teste du dragon.
Il commande d'y grauer d'un costé vn serpent en-
tortillé à la façon d'un limaçon; de l'autre costé,
lors que la lune est au signe de Scorpion, il graue
la forme du Scorpion: apres la lune estant au mes-

me signe, il remplit la boitte de la matiere susdite l'ayant seiché, l'applique sur la region du cœur, & nous aduertit lors que le venin pestilent est proche, que ces pastilles se mouillent, c'est pourquoy il les faut approcher du feu: Car le venin s'esuanoïit de la sorte.

De la disposition des corps par purgation & seignée, pour se preseruer de la peste.

CHAPITRE XXVI.



L faut faire en sorte de vuidier les corps de leurs excremens, & empescher apres que ne se fasse vn nouueau amas: ce que ce fera par vn regime de vie cōuenable.

Quant au premier, il ne faut pas temerairement debilitier les corps par des medicamens forts, mais s'il y a de la cacochymie, afin que que la force des Alexipharmques ne soit rebouchée par les mauuaises humeurs, & qu'ainsi le venin pestilent ne prene facilement pied, & qu'apres il afflige plus griefuement les humeurs estans corrompus; il les faut vuidier peu à peu par medicamens benigns, qui euacuent seulement la premiere region, & ne vexent le reste du corps, car les vrais carthartiques sont malins, & troublent les humeurs.

Les pilules de tribus, ainsi appellées du nom.

bre des simples dont elles sont composées ; qui sont l'Aloë, la myrrhe, & le saffran, de leur usage Pestilentieles ; & de leur Auteurs aussi sont fort recommandées.

Elles se composent de deux parties d'Aloë ; d'une partie de myrrhe, & vne demy de saffran, avec du vin odoriferant. La raison pour laquelle elles sont si efficaces pour se preseruer de la peste, est, parce que l'Aloë deliure l'estomac & les intestins des mauuaises humeurs sans aucune agitation du corps ; le mesme avec la myrrhe preserue les corps de pourriture & corruption ; le saffran fortifie le cœur, & rend les esprits plus vigoureux. Il est loisible trois fois la sepmaine vn'heure auant le repas en prendre le poix d'un scrupule, ou demy dragme, & faut estre bien aduisé quand on en donne aux vieillards, femmes enceintes, & à ceux à qui fluent les hemorrhoides ; il seroit plus à propos de se seruir en tel cas du syrop & suc de roses solutif, de rheubarbe & d'Agaric, & partant on pourra preparer les tablettes suiuantes pour ceux à qui l'Aloë ne conuient pas, & qui ont le foye trop chaud.

Prenez extract de rheubarbe vne dragme, rheubarbe arroulée d'eau de canelle, conserue de roses, de chacun trois dragmes, sucre fin dissout en eau rose quatre onces.

Soyent faites tablettes du pois de trois dragmes pour chascque prinse.

On pourra donner aux femmes enceintes l'ex-

traict de rheubarbe, avec quelque Syrop ou suc de roses, ou le reduire en tablettes avec succe.

Quelques vns tirent la teinture de rheubarbe avec suffisante quantité d'eau de canelle & de roses, apres l'auoir tiré, la font consommer à feu lent iusques à la consommation de la moitié, & en font vn syrop, y adioustant suffisante quantité de succe, dans lequel ils iettent quelques petites pieces de la mesme rheubarbe, on en peut donner vn ou deux cuilliers mesmes aux enfans, il ne preserue pas seulement de la peste, mais encore tue les vers, & les faict sortir.

La casse aussi purge benignement. Le tryphera persica est fort approuué; on en peut prendre iusques à demy once, ou six dragmes en eau de vinette, scabieuse & chardon benist.

Il est bon de preparer au prealable les humeurs lors qu'il y a de la cacochymie, ayant esgard à leur nature, & les vider apres par medicamens proportionnés: s'ils sont chauds, on y adioustera de la vinette: si froids, du scordium qui est tant recommandé par *Gal. lib. 1. de Antidot. c. 12.*

Il y en a qui meslent avec les medicamens purgatifs de la theriaque, ou quelque autre Antidote, pour par mesme moyen combattre le venin; mais c'est ce que ie ne puis approuuer; car selon *Gal. lib. quos. quibus, & quando*: ces Antidotes esmoussent la faculté des medicamens purgatifs, & arrestent la purgation; c'est pourquoy on s'en sert en l'hypercatharse.

Ceux qui se portent bien ne doiuent estre purgés; parce que comme escrit Hippocrat. *sanas carnes habentibus Elleborus periculosus.* Ce qu'il dit generalement en l'Aphorisme 37. de la section 2. *οι δε τα σωματα εχοντες φαρμακευεσθαι εργασια.* Ceux qui iouissent d'une santé du corps entière ne peuuent supporter les medicamens purgatifs, parce qu'il n'y a point de proportion entre le medicament, & l'humeur qui doit estre euacué. Il suffit donc de fortifier tels corps par la voye des Alexipharques.

Quant à la saignée, bien qu'elle ne se doit faire temerairement, de peur que les humeurs ne se viennent à troubler, principalement aux ieunes gens qui sont subiets à contracter la peste; si toutesfois le corps est plethorique, & que les forces y consentent, il sera bon de tirer du sang mais en petite quantité, afin que par ce moyen le corps soit rendu plus perspirable.

*Du regime de vie pour se preseruer
de la peste.*

CHAPITRE XXVII.



L faut faire en sorte qu'après que le corps aura esté purgé de ses excremens par medicamens conuenables, & analogues avec l'humeur qui doit estre vuidee, il soit conserué en cét estat, par-

tant il est expedient d'establiſſir vn regime de vie, qui non ſeulement n'engendre plus d'excremens & mauuaises humeurs, mais encore qui ſoit tellement affaiſonné d'Alexipharmques, qu'il puiſſe reſiſter au venin peſtilent, & fortifier le cœur contre ſes aſſaults.

Plusieurs ſont par trop ſerupuleux touchant les viandes, & n'eſt pas poſſible d'obſeruer tout ce qu'ils preſcriuent. Il ſeroit plus à propos de ſuiure le conſeil d'Hippocrate au liure de *natura hominis*, où il dit, qu'en temps de peſte il ne faut pas temerairement changer de façon de viure (ſi ce n'eſt en cas qu'elle fuſt mauuaife;) d'autant qu'elle n'eſt pas cauſe de la peſte, & par conſequent n'a le pouuoir de luy reſiſter, voicy ſes propres termes.

Τῶτον χρῆ τὸν χρόνον τὰς παλαιότητας

Ποιεῖσθαι τοῖσιν ἀνθρώποισι τοιάσδε.

Τὰ μὲν διατῆματα μὴ μεταβάλλειν, ὅτι γὰρ

οὐκ αἰπὰ ἐστὶ τὸ νόση.

La raiſon qu'il en donne eſt, parce que de ce ſoudain changement il eſt à craindre d'innouer quelque choſe au corps.

Ἦν γὰρ μεταβάλλῃ τὰς ἑως τῶν διατῆτων, κίνδυνος ἐστὶν
ἀπὸ τῆς μεταβολῆς νεώτερόν τι γίνεσθαι ἐν τῷ σώματι.

C'eſt pourquoy il ſe faut nourrir de meſmes viandes qu'on a accouſtumées pourueu qu'il n'en reſte point d'incommodité; il eſt bon neantmoins que ceux qui ont les moyens de faire choix des meilleures, releguent toutes les mauuaises; & parce que le pain eſt la baſe des autres, il fera de

bon & pur froment, bien leué & assaisonné d'un peu de sel.

Les chairs de facile coction & qui engendrent peu d'excremens, & ne se corrompent, ny pourrissent facilement.

Les œufs frais & molets sont vtils, le lait n'est approuvé de beaucoup de personnes, parce que l'usage rend les corps plus humides.

Il se faut abstenir de poissons, exceptez quelques vns qui ont la chair ferme, comme laquettes, faumon frais, de bonne Aloise, d'un bon rouget, truitte & brochet.

Il faut fuir les viandes qui engendrent un mauvais suc, comme truffes, & toute sorte de champignons.

Les fruits qui se corrompent facilement, sont reprouvés, comme pesches, cocombes, citrouilles, les prunes recentes & semblables.

Les noix principalement si elles sont meslées avec des figes, feuilles de ruë, & un peu de sel tiennent lieu d'Alexipharmaque.

Il sera bon d'assaisonner les viandes de choses aigres, comme verius, vinaigre, suc de limons, citrons, oranges, grenades, vinette, & semblables.

Il faut sur tout embasser la temperance mere d'une vie ioyeuse & salubre: non pas qu'il faille abbatre les forces faute de boire & manger; ny aussi se remplir, & charger de plus de viandes que la nature ne requiert, & se faut mettre deuant les yeux l'exemple de Soerate, qui se conserua en

santé par le moyen de la temperance, lors de ceste peste qui rauagea toute la ville d'Athenes: & reiecter l'opinion de ceux qui se persuadent qu'à force de boire & manger on se peut preseruer de la peste; car de là l'vn ou l'autre s'ensuit de necessité, ou que la nature chargée d'une trop grande quantité de viandes, ne les peut cuire, & distribuer, comme il seroit requis, d'où la chaleur naturelle se treuuant oppressée, accumule force excremens au corps, & de là suruiennent des obstructions & intèperies aux parties nourriffieres: ou bien si la nature est bastante pour les cuire; de là s'engendre vne plethore, à laquelle comme perilleuse Hippocrate nous admoneste de remedier au 3. Aphorif. de la section 1.

Il faut aussi auoir esgard en l'administration des viandes aux diuers temperamés, car d'autant que ceux qui sont d'un naturel chaud & humide sont plus disposés à la pourriture, & à receuoir la contagion, il les faut rafraichir & desseicher, & assaisonner leurs viandes avec les sucs acides; Aux temperamens froids, conuient le saffran, fleur de noix muscate, sauge, ruë, pimpinelle, bayes de genieure, absynthe, tedoaria, & autres semblables.

Quant au boire, il faut que ce soit du vin pur & du meilleur pris moderement; qu'il faut tremper pour ceux qui sont d'un temperament chaud.

Des Aulx & Oignons s'ils sont bons en
temps de peste.

CHAPITRE XXVIII.

QVANT aux aulx & oignons s'ils
conuiennent en temps de peste:
il y a de la controuerse. Car Gal.
au 1. de *differ. febr. c. 3.* les med
au rang des viandes de mauuais
suc; & les autres Medecins re-
prouuent aussi leur vsage, parce qu'ils augmen-
tent les humeurs chaudes & acres, & par ce mo-
yen peuuent causer des sieures. Au contraire
le mesme Gal. appelle l'ail la theriaque des villa-
geois, & nous enseigne qu'il est bon contre la
morsure du chien enragé, des serpens & autres
animaux. Nous pouuons accorder ce different, si
nous disons que les aulx & oignons sont vtiles en
tant que medicamés, non pas en tant qu'alimens,
car comme il est certain qu'ils ne peuuent causer
bonne nourriture; il est aussi hors de doute
qu'ils ont beaucoup de force contré les venins,
& partant il n'en faut pas prendre grande quan-
tité, de sorte qu'ils puissent tenir lieu de nourri-
ture, parce qu'ils engendreroient des humeurs
acres, & mauuaises; mais en petite quantité,
afin que pour le moins ils ayent lieu de medica-
mens, & soient bastans pour se preseruer de la
peste.

Des autres choses comprinses au regime de vie.

LA mediocrité est aussi requise en toutes les autres choses non naturelles ; à sçauoir au mouuement, & repos, aux veilles, & sommeil, & sur tout en l'exercice de Venus, & passions de l'ame, & tenir pour assurez l'oracle du diuin Hippocrate, *πάν τὸ πολὺ πολέμιον τῆ φύσει*. Le trop grand mouuement du corps par sauts, courses, & danses, est dangereux, comme aussi vne grande esmotiō d'esprit par joye, ou cholere, parce que le corps par ce moyen est par trop eschauffé, d'où s'ensuit que les humeurs sont agitées, & qu'il faut inspirer l'air plus que de l'ordinaire, c'est pourquoy on hume pour lors plus facilement la qualité maligne.

Sur tout il se faut donner garde de ne se point effrayer, puis qu'il est certain comme nous auons montré, que par ce moyen avec l'entremise d'vne forte imagination, se peut faire vn tel changement aux humeurs, que pour ceste cause plusieurs ont esté frapés de peste.

Et parce qu'il se peut faire facilement que de la viande quoy que prinse moderement, s'engendrent des exèremens en nos corps; il les faudra vider avec des medicamens benins, comme nous auons dit, à ces fins seruiront les cauterres.

*Si les cauterres peuuent seruir pour
se preseruer.*

LES Cauteres sont recommandés par quelques vns aux bras & iambes comme vn des meilleurs remedes pour se preseruer de la peste. Ce n'est pas qu'ils resistent au venin pestilent, mais parce que peu à peu ils deschargent les corps des humeurs excrementieuses, & par ainsi ostent l'appareil pour receuoir la peste. Plusieurs doctes Medecins rapportent qu'en temps de pestes les plus pernicieuses, l'usage des cauterres en a garanti vn grand nombre. Galien semble nous auoir indiqué ce remede au 5. de sa Methode c. 12. lors qu'il dit, que ceux qui se treuuerent chargés d'vlcères se preseruerent de la peste; il ne faut pourtant y asseoir tant d'asseurance qu'il faille mespriser les Alexipharmques: car la force de ce venin est si grande, qu'il s'en prend quelquefois aux corps les plus nets, & mieux espurés.

Vn Religieux dans Lyon durant la peste perceoit le scrotum, & mettoit à la playe de la racine d'Ellebore, & promettoit que les hommes seroient ainsi asseurés contre la peste.

* * *

Des Alexipharmques.

CHAPITRE XXIX.



Le principal moyen pour se préserver consiste aux Alexipharmques, qui ont esté inuentés plustost par experience, que par raisons; & parce que la vraye nature de la qualité pestifere nous est incogneüe, nous ne pouuons auoir cognoissance des vrais Antidotes, qu'est la cause qu'il nous faut de necessité recourir à ceux qui en general resistent à toute sorte de venin; & ne s'arrestent aux vaines promesses de quelques estourdis, & refueurs, qui imposent facilement au menu peuple sous des titres specieux qu'ils donnent à vn tas de ie ne sçay quelles drogues aussi mal adiancées que les roües de leur ceruelle. Je mettray en auant les principaux approuués par vne longue experience.

Entre les composés les plus vsités sont le mithridat: la theriaque d'Andromachus, & la confection Liberantis. Et de ceux-cy la theriaque tient le premier rang; tous les Medecins demeurent d'accord de sa vertu contre la peste. Galien de theriac. ad Pisonem c. 16. nous enseigne, qu'elle ne permet que ceux qui en ont pris en soient frappés, & qu'elle guerit ceux qui en sont

arraints, en changeant la malignité de l'air inspiré,
& empeschant la corruption de la temperature
du corps, & ne faut point l'accuser de fauseté, si
pour le iourd'huy nous n'experimentons les for-
ces que luy & les autres luy donnent. Car ce
manquement arriue, ou parce qu'il y a quelque
ingredient qui nous est aujourd'huy incogneu
ou parce que ceux qui la composent n'y appor-
tent pas la diligence qu'ils deuroient, & faillent
ou par ignorance, ou parce qu'ils mesurent à
l'aune de leurs commodités celles du public: &
supposé que tous les vrais ingrediens nous soient
cogneus: les effects toutesfois ne correspondent
pas, à cause du defaut du principal medicament,
qui est le beaume, sur lequel aujourd'huy s'asseu-
rent plus les Ægiptiens qu'en aucun autre reme-
de; & ce defaut ne peut estre reparé par l'huile
de cloux de gyrosle, de canelle, ou noix muscate:
Il peut arriuer que l'imprudence de ceux qui en
vsent en soit la cause; car quelquefois on la prend
trop tard, & lors que le venin a desia pris pied
dans le corps, & affoibly les parties principales:
souuent on n'en prend pas assés, ny si souuent
qu'il seroit de besoin; il en faut vser plus par-
quement pour se preseruer, & pour la guerison
plus largement comme nous enseigne Gal. 1.
de Antidor. c. 1.

Si vous desirés sçauoir d'où prouient ceste for-
ce en la theriaque de resister aux venins: il faut
recourir à l'Asyle salutaire de l'ignorance, les

qualités occultes de la chair des viperes qui entrent en ceste composition, non pas pour seruir de venin, & tirer ainsi par sympathie celuy qui est dans le corps, car elle seroit inutile pour la preservation; ny a raison de leurs qualités manifestes: mais bien de la vertu alexitaire d'ont elles sont doiüées, par le moyen de laquelle, comme principal Alexipharmaque, elles combattent, & abbatent le venin; Puis qu'il n'est pas possible d'exprimer ceste faculté, il nous faut contenter de dire avec Gal. *lib. de theriac. ad Pis. c. 9. carnes viperarum habere ἐμφυτον ᾠεὸς τὸ σώζειν διναμιν, & ᾠεὸς τὸ βοηθεῖν ἰσχυρ:* que la chair des viperes a vne faculté naturelle de nous aider, & nous sauuer.

Le mitridat de Damocrates, duquel ce grand Monarche a esté l'inuenteur, est recommandée apres la theriaque.

Suit l'opiate surnommée Salomonis, ou plustost de Monsieur Ioubert, puis que c'est luy qui l'a corrigée, & reduit en meilleure forme.

Nous auons aussi l'Electuaire de Ouo, autrement de Croco, qui represente vne petite theriaque grandement loué pour la preservation & guerison de la peste, mais parce que il y en diuerses descriptiōs, j'apporteray la plus approuuée & meilleure de toutes

ELECTVAIRE DE OVO.

Prenez le poix d'un escu & demy, ou de deux escus de bon safran, que tu mettras avec le iauue d'un œuf dans sa coque ouuerte seulement d'un costé qu'on aura tiré

pour se preseruer de la peste. 87

le blanc, & puis fermée avec vn autre piece de coque, ou de paste; qu'ils soient rostis apres au four, la matiere tirée de la coque soit mise en poudre fort menue à laquelle tu adiousteras.

Dictame, tormentille, de chacun le pois de deux escus: corne de cerf, noix appellée vomica, de chacun le pois d'vn escu: Angelique, Zedoaria, grains de gemeure, helenium, de chacun le pois de deux escus & demy: canelle, macis de chacun le pois d'vn escu & demy: camfre le pois d'vn escu: theriaque trois onces.

Il faut mesler le tout ensemble, le piler fort, & y adiouster suffisante quantité de syrop de lymones pour le reduire en forme d'electuaire.

Il se prend seul du poids d'vn escu, ou avec quelque conserue, ou quelque eau & decoction cordiale.

Quelques vns repreuent la noix vomica, qui est deletaire aux chiens & chats, & leurs est vn venin qui tue sur le champ. Mais ie respons, que la nature des brutes est bien differente de la condition de l'homme, auquel souuent est poison ce que leurs sert de nourriture: Et au contraire, les Cailles se nourriffét d'ellebore: les Estorneaux de cigne qui tuent les hommes, L'aloë & les amandes amaires qui tuent les renards, sont bonnes pour la santé de l'homme. Que si ceste noix prouoque le vomissement, elle est d'autant plus recommandable: Car il est grandement vtile aux maladies contagieuses, & principalement lors que la premiere region est remplie de mauuaises

humeurs; Car les parties principales estans deschargées de ces ordures malignes, les facultez sont plus vigoureuses pour combattre contre le venin.

Le *Diafscordium Fracastorij*, la poudre *Bezoardique*, l'*Antidote de Guidon de Cauliac*: l'*Electuaire pestilentiel de Crollius*, la *Theriaque reformée de Quercetan*, & ses *Antidotes major*, & *minor* sont aussi en recommandation: & l'*Electuaire de Manard*, qu'il presche pour vn grand thresor contre la peste, & tout autre venin & morsure de serpent, sa description est telle.

Electuaire de Manard.

Prends du sang seiché de canard maste, & femelle, d'oye, de cheureau: de ruë sauvage, semence de fenouil, enmin, anet, nauëu sauvage, de chacun le poids de trois escus: racine de gentiane, du triolet, *schoenanthos*, encient, roses seiches: de chacun le poids de quatre escus: poivre blanc & long, du *costus*, *Valeriane*, anis, canelle: de chacun le poids de deux escus: *myrrhe*, nard: de chacun le poids de six escus: *benjoin*, *asarum*, *ammoniac*: de chacun le poids de trois escus: *marum* & *agaric*, de chacun le poids de deux escus: vingt grains de *carpobalsamum*: *Iris*, saffran, *rheubarbe*, *gingembre*, *masfic*, de chacun le poids d'un escu: le poids de six escus de *stoeas*.

Il faut du tout faire vne poudre fort subtile, & la mesler avec le quadruple de miel bien choisi & escumé, qu'il faudra reseruer dans vn vase d'argët pur

pur comme vn thresor tres-precieux.

On s'en pourra seruir en place de theriaque, & en prendre le poids d'un escu avec vn peu de vin trempé de quelqu'eau cordiale.

Nous en adiousterons encore quelques vns recueillis de bons Auteurs, & approuuez, comme le suiuant, duquel on s'est tres-bien trouué en diuerses pestes avec heurieux succez.

Opiate theriacale.

Prends trois onces de tres-bonne theriaque, racine de tormentille, semence de genieure, chardon benit, de vinetie, de chacun le poids de deux escus: bol d'Armenie preparé, demy once: raclure d'ivoire, corail rouge, de chacun le poids d'un escu: poudre de l'Electuaire de Gemmis, & diamargaritum frigidum, de chacune les trois parties d'un escu: avec suffisante quantité du Syrop, d'escorces de citron soit fait Electuaire liquide en forme d'Opiate.

Il en faut prendre la grosseur d'une noisette, seul, ou avec vn peu de vin, ou quelqu'eau cordiale.

On en pourra former des tablettes pour les delicats, prenant le poids d'un escu de la mixtion pour vne once de sucre fin, & en faudra manger le matin trois heures auant le repas demy once plus ou moins.

Autres Tablettes.

Prenez demy once de bon mithridat, sucre candy, & c^o.

mun pur, de chacun quatre onces avec vin de maluoisie
seront faites Tablettes.

Vn Medecin tres-xperimenté s'est seruy tres-
heureusement en diuerses pestes de l'Electuaire
suiuant.

Autre Electuaire.

Prends racine d'Angelique, d'Imperatoire, de chacune
deux dragmes, racin de tormeuille, carline, vinceto-
xium, pimpinelle, mosus diaboli, valeriane, de chacune
vne dragme; Zedoria demy dragme: grains de ge-
nieure, deux dragmas: bayes de l'aurier vne dragme:
semence d'Angelique, vinette, chardon benit, de cha-
cune vne dragme; smence de citron mundée, demy
dragme, feuilles de rié, chardon benit, de chacune vne
dragme: saffran, poure, macis, de chacun demy dra-
gme: racleure de come de cerf, & d'ynoire, de chacun
vne dragme: bol prearé avec suc de citron demy once:
opium vn scrupule: le tout soit reduit en poudre, y ad-
ioustant demy scrupule de camfre: noyaux de noix re-
centes, & figues de chacun demy once: sucre fin deux
onces: du miel doux onces. Il en faut former des ta-
blettes, prenant vmonce & demy de sucre dissout en
eau conuenable pour vne dragme de poudre.

La poudre suiuaue est tenue pour vn grand se-
cret par le Roy d'Espagne.

Prenez myrrhe de la meilleure, mastic, bol d'Armenie,
terre sigelée, bois d'loes, cloux de gyroffle, macis, saf-
fran, autant d'un quid'autre: Soit faire poudre, de la-
quelle on pourra prendre chaque matin iusques au poids

pour se preseruer de la peste,

91

de demy escu.

AUTRE POWDRE PRECIEVSE

fort vtile contre la peste, fieures pestilentes & malignes.

Prends d' Ambre blanc preparé deux onces, raclure d'ivoire cinq dragmes, de la vraye terre sigelée, vne once & demy, corne de cerf demy once, corail blanc preparé, perles preparées, pierre le bezoard, santal citrin, semence de citron, de chacun lemy once, corne de licorne vne dragme & demy: esorce de citron, trois dragmes, ambre gris vn scrupule, feuilles d'or & d'argent de chacune vn demy scrupule: huict grains de musc.

Soit faite poudre subtile, de laquelle on prendra de cinq à dix grains avec quelque'eau cardiaque.

Quelques vns recommandent fort le remede suivant.

Prenez bol d' Armenie, terre sigelée, sigillam Salomonis, racine d'helenium, tormentille, pimpinelle, Angelique, Imperatoire, semence de roquette, de chacun demy once, cloux de gyroffle, canelle, bois d'Aloes, de chacun vne dragme: santal rouge vn scrupule, theriaque fine vne once.

Il faut faire infuser le tout dis enuiron vn quart d'eau de vie, si on en prend quelques gouttes le matin, on assure que dans 24. heures elle preserue de la peste, on en donne vne cuillierée à ce-

luy qui est frappé, pour exciter les sueurs.

Eau Theriaquale, Sudorifique, Alexitaire, & Cardiaque, avec laquelle on se pourra passer de tout autre remede.

Prenez racines d'Angelique, Imperatoire, & Scorzonere, de chacune deux onces: racine de plantain & petasites, de chacune vne once: feuilles d'Ulmaria, char-don benit, de chacun vn petit fassseau: summires de rue & scordium, de chacun vne poignée: noix vertes, vingt paires: bayes de genieure, trente paires: cornes de cerf encore tendres lors qu'elles se renouellent sur la fin du mois d'Auril, ou à leur defaut, racleure de corne de cerf, demy liure.

Il faut infuser le tout incisé & pilé dans dix liures d'eau d'Ulmaria, & vne liure de fort bon vin l'espace de trois ou quatre iours, & le distiller apres au bain marie.

Prenez de la susdite eau separée de son plegme huit liures, dans lesquelles vous dissoudrez vne liure de theriaque vieille, demy liure de mithridat, confection alchermes trois onces: poudre de diamargaritum frigidum, diambra, & laritia Galeni, de chacune vne once: Il faut apres l'infusion distiller le tout ensemble au bain marie, & le reserver pour son vsage.

La dose sera demy once avec le poids d'vn escu de theriaque de matin pour se preseruer; & de trois ou quatre onces au commencement dit

mal, pour la guerison auant que les bubons & carboncles sortent si faire se peut; elle excite les sueurs, fortifie le cœeur, chasse le venin pestilent, & refout la feure.

On se peut seruir des extraicts de tous les vegetables qui resistent à la peste, & de leur huile distillé, par exemple.

Prenez extraict de chardon benist, & de scordium, de chacun le poids de demy escu; huile d'angelique fait par distillation demy scrupule, sucre fin dissout en eau de scordium suffisante quantité pour en faire des tablettes.

L'extraict de grains meurs de genieure, autrement theriaque des Allemans se fait de la sorte.

Prends grains de genieure tant que tu voudras, fais les infuser dans de fort bon vin blanc, apres qu'ils boiillent vn peu sur le feu, & soient concassés & passés par le tamis, de mesme que la casse, & en soit fait extraict.

Il se peut faire encore de la maniere qui suit.

Prends de grains de genieure meurs, & les pile en vn mortier, puis pour chaque liure de grains verse quatre liures d'eau de pluye distillée, & le faut digerer en lieu chaud l'espace de trois iours, au bout desquels tu couleras & exprimeras tres-fort, & filtreras apres la coleure, & la feras exhaler iusques à consistence d'extraict.

Parce qu'il n'est pas loisible de dōner aux enfās des remedes qui desseichent par trop, les poudres de racine de tormentille, corne de cerf, perles, & semblables leurs seront propres, par exemple.

Tablettes pour les enfans.

Preñs corne de cerf bruslée, cruë, bol d'armenie de chacun demy once : terre sigelée deux dragmes, corail rouge préparé, perles préparées de chacun vne dragme, poudre de dramargaricum frigidum demy dragmes, avec suffisante quantité de sucre soient faites tablettes.

Il faut que l'usage des medicamens chauds soit moderé, ayant esgard au temps, à l'âge ; car l'experience nous a enseigné que ceux qui d'un temperament chaud, en temps d'esté ont usé trop souuent des medicamens chauds, sont tombés en Automne dans des grandes fieures tierces & quartes, & autres maladies dangereuses.

Les medicamens temperés sont plus propres pour toute sorte de nature & temperament; partant en tel cas on se pourra seruir de celuy qui suit.

Poudre propre à tout temperament.

Preñs corne de cerf bruslée préparée vne dragme ; os du cœur de cerf, raclure d'ivoire, de chacun demy dragme ; terre sigelée, vne dragme ; licarne, perles préparées de chacun demy dragme : fragmens d'hyacinthe, esmeraude, ruby de chacun vn scrupule : pierre de bezard demy scrupule ; semence de citron, vinette, racine de dictame, de chacun vne dragme : vn scrupule de chaque espece de sanctaux ; semence de basilic demy dragmes ; mocis maceré en vinaigre, & seiché vne dragme.

Le tout soit mis en poudre, pour en prendre avec eau cordiele le pois de demy escu ; ou en former des tablettes.

pour se preseruer de la peste. 95

Remedes pour tenir à la bouche lors qu'on
va en lieux suspects, ou qu'on visite
les malades.

Entre les simples la racine d'Angelique est
fort bonne, & laisse vne bonne odeur à la bou-
che, comme aussi la racine de zedoaria, d'Enula
campana, galanga, l'escorce de citron: ou d'o-
renges, & leurs semences; quelques vns recom-
mandent aussi la semence de fenouil: nous pour-
rons former des trochisques pour le mesme effect.

Trochisques pour tenir à la bouche.

Prends deux dragmes d'angelique, vne dragme d'iris:
demy dragme de zedoaria: escorce de curon sec, se-
mence de coriandre, de chacun demy dragme: cloux
de gyroffle, noix muscate, santal citrin de chacun vne
dragme; deux scrupules de canelle: vne dragme &
demy de bol d'armenie preparé avec suc de limons ou
vinaigre: six dragmes de sucre, avec l'infusion de
gomme tragacant en eau rose, en y adioustant vn ou
deux grains de musc, ou d'ambre, soient faits trochis-
ques.

Autres trochisques.

Prends vne dragme de racine d'angelique; bois de genieure,
demy dragme; bois d'aloës vn scrupule; sucre fin dis-
sout en quelque eau musquée deux onces, soient faits
trochisques.

On fait des trochisques musqués avec le seul
bol, & le sucre.

Remedes pour les Pauures.

PLine lib. 23. c. 8. escrit de la sorte du remede vsité, duquel on peut donner à toute la famille le chasque matin, *in sanctoruariis mathridatis regis denicti*, Pompeius inuenit peculiari commentario ipsius manu compositionem Antidoti è duabus nucibus siccis & ficis tondem, & ruë folus 20. simul tritis, addito salis grano, & qui hoc ieiunus sumat, nullum venenum nociturnum ei illo die.

Il faut donc prendre deux noyaux de noix, deux figues, vingt fueilles de ruë, & vn grain de sel.

A V T R E.

Prenez fueilles de ruë, sauge, plantain, grains de genieure:

Il faut piler le tout avec vinaigre, & en prendre le matin vn cuillier.

On peut macher aussi d'Angelique, Valeriance, Tormentille, Chardon benit, Vinette, Dictame, Ruë, Vincetoxicum, ou plustost *vinentoζινόν*, scabieuse, mors de diable (ainsi appellé, parce que le vulgaire croit que le diable enuie ceste racine aux hommes, à cause de ses rares vertus, & que partant il la rongé tout au tout, la pimpinelle, veronique, scorzonere, absynthe, zedoaria, Imperatoire, gentiane, bayes de genieure: on les peut mettre en poudre, & en prendre le poids d'vn escu plus ou moins avec le vin, ou quelques eaux cordiele, comme aussi les faire infuser quelque temps & boire la couleure exprimée.

Il ne faut pas s'arrester à vn seul Alexipharmaque,

que, de peur que la nature s'y accoustumant n'en reçoie pas beaucoup de fruit; D'ailleurs que puisque la nature déterminée de la peste nous est incogneüe, nous pourrons esperer de plusieurs ee que nous ne ferions d'vn seul: Partant on pourra prendre vn iour de la theriaque, l'autre du mithridar, l'autre de l'electuaire de ouo, & ainsi des autres iusques au septième iour, qu'il faudra recommencer de la mesme sorte.

De la Cure de la peste, & premierement
de la saignée.

CHAPITRE XXX.



Avec que la moindre faute qui se commet en la Cure de la peste, cause vne perte irreparable, il faut soigneusement recercher si on se doit arrester aux seuls Alexipharmques, ou si la saignée & purgation sont requises comme aux autres fieures.

Quant à la saignée, si nous considerons pour quelle fin elle se fait, & d'autre costé la nature de la peste, il nous paroistra clairement qu'elle n'est opposée au venin pestilent, & partant qu'il ne peut estre euacué par ce moyen, il arrive aucontraire que les forces qui d'ordinaire pour lors sont grandement combatues, seront affoiblies par vne saignée faite mal à propos, & que le mouuement

de la nature qui de premier abord fait tous ses efforts pour se descharger en dehors par pustules, Bubons, & Carboncles, sera empesché, & le venin rappellé au dedans.

Si toutesfois il se rencontre que le corps soit fore plethorique, & les forces plustost oppressées que dissipées, & que pour vne trop grande affluence de sang, il soit à craindre que ne s'engendre quelque grande fièvre putride, qui pourroit causer autant de peril au malade que la peste mesme: Il sera loisible pour lors de tirer du sang en petite quantité, ayant esgard aux forces, pourueu que ce soit au commencement de la maladie dans l'espace de 24. heures, lesquelles passées, elle n'est plus de saison, & ne sert que d'empeschement à la nature.

Il ne se faut pour lors arrester à lascher le ventre comme nous practiquons d'ordinaire auant que d'ouuir la veine, parce que le temps est trop court.

Il faut picquer quelque veine des communes au bras, s'il n'y a douleur en aucune part, & que rien ne paroisse en dehors, que si l'on s'apperçoit de douleur en quelque endroit, par ou le Bubon ou Carboncle doiuent faire leur salie, on ouuira la veine de ce costé, qui n'empesche point, ains qui aide le mouuement de la nature.

Si nous descouurons qu'elle s'efforce de donner la chasse à son ennemy autour des eifnes, il sera à propos d'ouuir la saphene, ou quelqu'autre veine du pied de mesme costé. Si par en haut,

celle du bras: Si c'est sous les aisselles, la basilique, Si autour des oreilles, la cephalique; s'il paroist quelque chose en la face, on pourra picquer celle qui est sous la langue.

Si le Carboncle ou Bubon paroissent auant que proceder à la saignée, quelques vns trouuent bon d'appliquer vne ventouse sur la tumeur, auant qu'ouurer la veine, de peur que le venin qui est expellé en dehors par la nature, ne soit rappelé dedans par la saignée. D'autres apres que le sang a flué, appliquent à la playe du scordium, ou de l'herbe appellée alliaria, ou bien de huistres viues, sur la croyance qu'ils ont de pouuoir ainsi tirer le venin.

Les ventouses tiennent quelquefois lieu de saignée, & seroient bien plus assurées pour tirer le venin en dehors au commencement, & pour aider le mouuement de la nature, lors mesme des sueurs, & quand les marques pestiferées commencent à se produire, car il n'y a dequoy craindre qu'elles debitent les forces, & appellent à l'intérieur la qualité pestiferée.

Illes faut appliquer és endroits sur lesquels la nature s'efforce se descharger; si c'est par haut, aux espauls, & au col: Si par bas comme aux esnes: sur les fesses & gras de la iambe.

Si on scarifie les mesmes endroits, auant l'usage des ventouses, elles attirent plus puissamment, en place de scarification on se peut seruir de sangsues.

Vn Vesicatoire appliqué au gros doigt du pied, ou à la main au doigt de l'anneau, attire grandement, & d'autant plus, si la vessie qu'il aura excitée est trauersee d'un filer qui souuent soit tiré.

Quelques vns louent vn pigeon vis deschiré par le milieu appliqué tout chaud sur la teste, comme aussi lié sur les plantes des pieds, pour diuertir, on applique encore pour cét effect l'ortie avec ses racines sur la mesme partie, ou du lierre terrestre, ou refort, qu'il faut au prealable piler.

De la purgation.

CHAPITRE XXXI.



L est certain que la semence de la peste ne peut estre vidée par médicament purgatif, s'il n'est grandement fort, & de ceux qui voidēt en mesme temps par haut & par bas: Car il se peut faire pour lors que la nature irritée, se deschargeant des mauuaises humeurs, chasse par mesme moyē le venin pestilent qui s'en estoit saisi, & que delà les malades recourent la santé: Toutefois cela n'arriue que par accident en quelque nature des plus robustes: Car le médicament purgatif n'est de soy & premierement opposé au venin: C'est pourquoy le plus souuent ils sont accompagnez d'un grandissime peril, d'autant qu'ils abbattent les forces, qui d'ailleurs sont assez debiles, & par

une trop grande esmotion des humeurs, excitent des vomissemens, & flux de ventre, qui ne cessent que par la mort du malade, pour trancher court.

Si le corps est pur, & que quelque fieure putride de dangereuse ne soit à craindre, il se faut arrester aux seuls Alexipharmques, & faire en sorte que le venin pestilent soit chassé hors par sueurs.

Si au contraire le corps est cacochyme, d'où se pourroit engendrer quelque fieure putride non moins dangereuse que la peste mesme, il ne sera pas inutile de donner quelque medicament purgatif benin pour vider quelque portio de la matiere, qui se doit corrompre & augmenter la fieure afin que la nature puisse plus facilement dompter le reste, ayant neantmoins esgard aux forces, lesquelles se rencontrent abbatues: Il vaudra mieux s'en abstenir & le differer iusques au declain de la maladie, apres que la vigueur du mal sera passées. Que si elles sont assez fortes, la purgation faite au commencement peut estre profitable pour la raison que nous venons de dire: comme aussi de peur que les humeurs venans à estre agitées ne se ruēt sur quelque partie, & causent vn'inflammation mortelle, comme frenesie, pleuresie, esquinance: ou quelqu'autre semblable peril: Outre que par ce moyen on preuiendra le danger qu'il y a que par l'usage des autres medicaments les corps impurs ne viennent à s'enflammer, & que la corruption des humeurs ne donne plus de force au venin.

La pluspart commandent de s'en abstenir, si les Bubons & autres marques commencent à sortir, appuyez sur la maxime; *Quo natura vergit eo ducendum*: Mais pour lors on appliquera des ventouses de mesme qu'en la saignée.

Le temps ne permet pas d'vser de preparation auant que purger. *Nam in talibus tardare malum*; & le malade mourroit auant que la coction fut faite. D'ailleurs suiuant l'aduis d'Hippocrate, s'il faut rien mouuoir que ce soit au commencement.

Il faut fuir les medicaments secs, comme le benedicta, l'hiera picra, l'Electuaire du suc de roses, & semblables, dont l'vsage augmente la fiere. Les pilules de Rufus tant recommandées pour la preservation, n'auront icy lieu pour mesme raison.

Il sera bon de mesler avec les purgatifs quelque medicament qui resiste au venin, saul la theriaque, mithridat, & semblable qui reçoient l'Opium, ils se prepareront de la sorte qui suit.

Prenez vne dragme rheubarbe, trois grains de spicanardi, qu'il faut faire infuser en la decoction de borrache, scabieuse, vinette, & scordium: & dissoudre à l'expression demy once de Catholicum, avec vne once de syrop rosat pour du tout faire vne potion avec la mesme decoction.

Ou bien en forme de Bolus.

Prenez vne once de casse fraichement extraicte, vne dragme de poudre de rheubarbe fort menue, faites en vn Bolus avec sucre, qu'il faudra prendre trois heu-

res auant le repas.

L'extraict de rheubarbe qui a la faculté de resister au venin, & qui entre pour ceste cause aux Antidotes sera vtile.

Des remedes qu'il faut opposer au venin.

CHAPITRE XXXII.



L faut auoir plus d'esgard à la qualité maligne & matiere veneneuse qui doit estre tirée dehors & combatue par antidotes conuenables, partant dès lors que le malade se sentira frappé, il prendra la grosseur d'une amande de bonne theriaque, ou mithridat, ou de l'Antidote theriacal que nous auõs mis entre les preseruatifs, & ainsi des autres avec eau rose, ou quelqu'autre cardiaque & alexitaire, comme aussi l'eau theriacate descrite cy dessus, continuant tous les iours iusques à la parfaite guarison.

On pourra purger benignement le second iour si la necessité le requiert, les ventouses appliquées sur la tumeur s'il y en a pendant l'operation.

Il faut prendre garde touchant la Theriaque & autres medicaments chauds, de n'en vser temerairement, sans auoir esgard au naturel, âge, sexe, & saison de l'année, & ainsi des autres circonstances: Car lors que la fieure ioincte à la peste est grande, & qu'il est à craindre que les humeurs & les es-

prits ne s'enflamment trop, & que les mesmes esprits ne se dissipent, & qu'ainsi on ne cause du dommage au malade; Il est plus à propos de les donner avec eaux rafraichissantes, ou vinaigre, ou avec eau qui reçoit le vinaigre, ou quelque suc acide: autrement si la chaleur n'est pas violente, la theriaque cause plus de bien en chassant le venin, que de dommage en excitant de la chaleur.

On se pourra servir de la poudre suiivante, & principalement pour les enfans, & femmes enceintes, qui ne supportent pas facilement les medicamens ferts & chauds.

Prenez deux grains de pierre de bon bezgard, de l'os du cœur de ces vingt grains: d'Esmeraude & Hyacinthe préparés, de chacun sept grains, en soit faite poudre qu'il faut puiser en deux portions pour deux prises avec eau convenable, comme de chardon benit, ou scabieuse.

Si le malade vomit le medicament, il le faut reiterer, & bien qu'il le retienne, il ne suffit pas d'en donner une fois, il en faut reprêdre dans huit heures apres; & si le cœur n'est deliuré par le premier; le second doit estre plus fort, mesmes dans l'espace de 24. heures il sera bon d'en prendre trois fois.

* * *

De la sueur.

CHAPITRE XXXIII.



EVACVATION de ceste qualité pestifere qui se fait du centre à la superficie par sueurs, ou transpiration insensible et la principale partie de la cure, que la nature entreprend presque tousiours

si tost qu'elle se sent frappée, partant c'est du deuoir du Medecin d'aider son mouuement, & l'exciter, si elle ne tente rien, prenât toussois garde de ne violenter trop les malades, car leuacuation se peut faire par transpiratiō insensible sans sueur, par l'usage des remedes expulsifs, & ne se faut persuader d'estre hors de peril pour auoir sué vne ou deux fois, parce que s'il reste tant soit peu de venin au corps, il reprend bien tost apres ses forces, & combat de nouveau contre la nature; partant il est necessaire de prendre d'aexipharmques cinq ou six fois dans deux iours; ce que le plus souuent estant negligé, fait que plusieurs qui se pourroient sauuer, meurent, & que les meilleurs remedes sont diffamés.

On se seruira pour cét effect des Antidotes descrits, avec quelque eau sudorifique, & principalement de la theriaque & mithridat; par exemple.

Prenez vne dragme de theriaque ou mihridat; racine

d'angelique, semence de vinette ; raclure de cornè de cerf, de chacun vn scrupule, pour en faire vne potion avec suffisante quantité d'eau d'angelique.

L'eau theriacale descrite entre les Alexipharques, se peut prendre iusques à trois ou quatre onces.

L'oignon est vn remede approuué de plusieurs: il se preparera de la sorte.

Faites infuser dans le vinaigre vn oignon legerement cuit, exprimés en apres le suc, y adioustant vne dragme de theriaque avec vne once de syrop de limones.

La sueur durera si faire se peut enuiron deux heures, prenant garde que les forces ne s'abbatent: car puis qu'elles sont grandement debilitées par la violence du venin, on les abbatroit facilement tout à fait, si la sueur continuoit trop long tēps, à sçauoir l'espace de quatre ou cinq heures. Et parce qu'il seroit à craindre que durant le sommeil la force du venin ne glissa plus au dedans; il faut que le malade s'en abstienne, iusques à ce qu'il ait sué deux fois.

De la façon qu'il faut traicter les malades, durant & apres la sueur.

CHAPITRE XXXIV.



DURANT la sueur il faut reparer les forces du malade avec vn peu de conserue de roses, ou de vinette; du suc & syrop de citrō, de grenades, & sem-

blables, & afin que le cœur puisse chasser loin de soy avec plus de vigueur le venin, il le faudra corroborer par l'inspiration ce à quoy seruiront les bonnes odeurs; pour c'est effect, on iectera sur des tuilles, ou cailloux ardens du vinaigre theriacal; les trochisques, poudres, & eaux odoriferantes seront aussi pour lors fort vtils.

Quelques vns, pendant que le malade sue, prenent vn pain chaud du four, en cauent vne partie, remplissent la cavitè de deux dragmes de theriaque, & l'appliquent sur l'umbilic, afin que le venin soit attiré par le pain.

D'autres appliquent sous les aisselles, & les autres emunctoires, & plâtes des pieds, vn refort diuisé en parties pieces rondes; aucuns appliquēt sur la region du cœur la miette de pain trempée dans le vinaigre, ou bien vn drap plié en quatre, imbeu de quelque vinaigre theriacal.

Il faut prendre garde que les remedes humides & froids n'empeschent la sueur, & repoussent le venin au dedans.

Ily en a qui ordonnent vn gargarisme de lait chaud auant la sueur, parce qu'il attire à soy l'haléine veneneuse & pestilente.

La sueur finie, on dessechera le corps avec linges nets, & moderement chauds, ayant soin que le venin ne se retire au dedans par l'occurrence d'vn air froid.

Si apres la sueur, les symptomes cessent, ou se relaschent (qui est signe que la plus part du

venin a esté expellé, on changera de linceuls, & conuertes de list.

Après la sueur on remettra le malade avec des viandes de bon suc & facile coction, comme sont les œufs frais, les bouillons de chair, la ptisane & autres semblables, qui nourrissent en petite quantité, parce qu'il ne faut pas charger le corps de beaucoup de nourriture, n'y aussi prescrire vne façon de viure exacte & renue, cōme aux autres maladies aigues.

On continuera tous les iours les medicamens qui arrestent la pourriture, resistent à la malignité de la fièvre, & esteignent l'embrasement que les parties interieures ont conceu. On recommande pour ceste fin l'esprit de Vitriol, & la confection d'Alchermes, avec le suc de citron.

Des Bubons.

CHAPITRE XXXV.



VOYANT que la nature se descharge le plus souuent d'vne grande portion des humeurs veneneuses sur les emunctoires du cœur, du foye, & du cerueau, & que ainsi elle excite des bubons & carboncles, il reste a en traicter.

Parce que les glandes, sont appellées par Hippocr. & les autres Medecins bubones, les

tumeurs qui si font sont aussi appellées par les Grecs & les Latins bubons : ils sont plus frequens aux eines, de là est là peste est appellée *inquinaria*; ils sont plus rares sous les aisselles ; & les plus rares de tous se font sous les oreilles.

Si vous demandés pourquoy ces tumeurs paroissent presque en toute peste, la raison en est, parce que le venin pestilent est tellemēt ennemy de la nature, qu'elle n'est pas seulement soigneuse d'en preseruer les parties nobles, mais encore s'efforce de le chasser de toutes les parties du corps, & parce que les glandes sont les plus foibles de routes, de là arriue que le venin y estant poussé il excite ces tumeurs.

Elles arriuent d'ordinaire aux eines, & rarement à la teste, parce que leur matiere est crasse, viscide, & lente, qu'est la cause qu'elle est portée plus promptement en bas poussée par la nature ; or les eines estans situés au dessous des parties infectes, la reçoient plus facilement que toute autre, outre que de son propre mouuement elle tend comme nous auons dit, en bas.

Et bien que la peste, cōme dit nostre Hippocr. à cause de sa capacité & cavitē reçoie facilement les humeurs & maladies, toutesfois ces humeurs pestiferes à cause qu'ils sont visqueux & gluants, ne s'esleuent pas ny ne sont tirés facilement à la teste, ce ne sont que des vapeurs qui causent les symptomes de ceste partie. Vous pourriés dire que la matiere de laquelle est engendrée la petite

verole attaque principalement la face & la teste; mais il faut sçauoir que parce que ceste matiere est espandue par tout le corps, elle est portée d'une grande impetuosité de tout costé, & sur tout à la face & la teste, qui reçoit facilement; il en arriue autrement quant à la matiere des bubons, qui n'est point dispersée par tout le corps, ains tant seulement cachée aux parties interieures; & partant ne se peut facilement esleuer en haut.


Durant ce temps de peste, nous voyons des bubons qui ne sont pas pestilens; ce que se cognoist, parce qu'ils n'ont point de fieures que des diaires, & ne sont accompagnés de vomissemens, resuerie, phrenesie, & plusieurs autres cruels symptomes, comme sont les pestilens.

Les bubons pestilens se font en deux façons; la premiere & principale, lors que le cœur est premierement attaqué du venin, & qu'il le chasse loing de soy: l'autre, lors que quelque autre partie du corps estant contaminée par contagion ou autrement, de descharge du venin qu'elle contient sur quelque partie debile: les premiers sont precedés, ou pour le moins accompagnés de fieure.

Les autres ne sont pas tousiours accompagnés de fieure, au moins au commencement, & durent quelquefois sans qu'il en suruienne.

De la Cure des bubons.

CHAPITRE XXXVI.

VELQVBS vns disent qu'en ce rencontre il faut imiter la nature, qui les meurit peu à peu, & partant que le Medecin doit faire en sorte qu'ils soient cõduits à suppuration par le moyen des medicamens qui ont ceste faculté. Car si on applique au commencement des vesicatoires, ou qu'on fasse des scarifications, & incisions, ils sont dans ceste opinion que outre qu'on excitera grande douleur, qui sera cause d'une plus grande inflãmation, & debilitera les forces, il sera à craindre que le venin chasse en dehors par la nature qui estoit cõme assoupy, ne vienne par ce moyen à se mouvoir, & mesler avec les humeurs & les esprits, & se cõmuniquer ainsi derechef au cõeur qui l'auoit expellé.

Les autres sont de contraire aduis; car puisque ceste matiere pestilente est rebelle, & que facilement elle ne se change en pus; ils disent qu'il ne faut attendre la suppuration, parce qu'il seroit à craindre auant qu'elle fust changée en pus, qu'elle ne se communiquat derechef facilement aux esprits & aux humeurs, & partant qu'il faut donner l'issue que la nature cherche au venin pestilent,

appliquant non seulement des vesicatoires dès le commencement, mais encore incisant la peau avec lancettes.

Il est besoin icy de distinction, car s'il paroît que tout le venin, ou pour le moins la plus grande portion ait esté chassé du corps au bubon, ce que se cognoistra, si incontinant apres le malade s'est treuvé mieux, & que les symptomes de la fieure se soyent appaisés, il n'y aura point de faute d'attendre la coction, & l'aider par tous les moyens qu'on pourra. Que si le bubon n'est assés grand, & que la nature ne se soit suffisamment delchargée du venin, à cause de sa trop grande quantité, ou pour estre trop foible: ou bien que la pluspart ait esté poussée au bubon, & que toutesfois à raison de la trop grande abondance, la tumeur s'augmente trop, & que de là la fieure, & les symptomes au lieu de se diminuer, empirent, & que le malade ne reçoive point de soulagemēt, il ne faut pour lors tarder, ains faire en sorte qu'il treuve la porte ouuerte; car c'est en vain qu'on attend qu'il se meurisse, puisque cela ne peut arriuer en matiere si veneneuse auant la mort.

Et quoy que les ventouses seiches tirent vers la superficie du corps, toutesfois les vesicatoires sont plus vtiles, & sera bon de scarifier, ou inciser la peau, afin que ces humeurs pestilentes se puissent vuidier par ces ouuertes: Il n'y a dequoy craindre comme quelques vns croyent, que le venin agite par ce remede ne retourne au cœur,

car puisque le passage luy est ouuert, la nature le chassera plustost du corps par cét endroit, outre que c'est chose manifeste, qu'elle n'attire pas de la partie dolente, ains qu'elle enuoye les humeurs au lieu de la douleur: que s'il y auoit rien à craindre de semblable, il faudroit aussi attendre que le Carbone pestilent fust meur, & toutesfois c'est hors de doute qu'il le faut incontinent scarifier, pour donner issuë au venin pestilent. Il ne faut pas redouter la douleur, qui ne peut estre grande de deux ou trois incisions; & quoy qu'il y en eut, nous deuous neantmoins de deux maux choisir le moindre, & vaut plus sauuer le malade avec quelque douleur, que sans douleur laisser le venin au corps qui causeroit la mort, outre que la douleur se peut adoucir avec du lait chaud dans lequel on aura cuit des fleurs de camomille.

Au lieu de vesicatoires on fera ouuerture avec le cautere potentiel, ou avec la lancete, & si l'incision cause de la douleur, on y appliquera vn œuf frais avec de l'huile rosat sur le bubon; & auant l'incision on y applique vtilement des poulets ou pigeons plumés autour du cul, lesquels il faut renouueller souuent, car ainsi la douleur s'adoucit, & le venin este attiré en dehors.

Quelques vns trempent dans le vin vn crapaut desseiché, iusques à ce qu'il se soit rendu mol, & l'appliquent sur le bubon.

Il faut apres faire meuir le reste de la matiere, avec des remedes conuenables, comme sont les suiuan.

Prends quatre onces de racine d'Althea; farine de lin & fœnugrec de chacun vne once; six racines de lys blanc cuites sous la cendre & pilées; figues & leuain de chacun deux onces & demy; fiente de pigeon vne once & demy, il faut cuire le tout dans la decoction de racines d'Althea, & fleurs de camomille en forme de boüillie, y adioustant quatre onces de graisse de porceau, deux onces & demy d'huile de lys blanc; vne once & demy d'huile de scorpion, avec vn scrupule de safran; & en cuire de rechef le tout en forme de cataplasme.

Autre.

Prenés racices d'Althea, & de lys blanc de chacun vne once, faictes les cuire iusques à ce qu'elles soient molles, passés les apres par le tamis, y adioustant de la poudre de dict ame blanc, & du scordium de chacun vne once, trois ou quatre figues pour en faire cataplasme avec huile de lys & camomille.

Quelques vns meslent vn oignon cuit sous la cendre avec de la theriaque, & quelque emplastre propre à faire mourir, & l'huile de scorpion.

A l'ouuerture on appliquera le digestif suiuant.

Prenez demy once de terebinthine, vn iauue d'œuf, & demy once d'huile rosat qu'il faut mesler ensemble.

Lors que le pus cōmence à fluër, il se faut seruir de l'onguent qui suit.

Prends terebinthine, & miel rosat de chacun six dragmes:

farine d'orge suffisante quantité pour en faire vn linnimēt.

Le suc d'Ache, avec du miel seruira pour le mesme effect.

On pourra appliquer en mesme temps l'empla-

estre suiuant.

Prenez quatre onces de diachylum simple, d'ammoniack, & galbanum dissouts dans le vin de chacun vne once, il les faut mesler dans le mortier avec le pilon chaud, y adioustant demy once de racine de cynoglossum, poudre de crapaut, racine de valeriane & scabieuse, de chacun deux onces: vne dragme & demy d'hyeble, vne dragme de liuesche, avec suffisante quantité d'huile de lis & scorpion soit fait emplastre.

Il faut soigneusement tenir ouuert long temps l'ulcere, afin que tout le venin qui est dans le corps s'écoule par ceste voye: il sera apres consolidé, & desseiché par les remedes à ce propres.

Il arriue quelquefois que les Bubons ne suppurent point, & que la plus subtile portion de la matiere s'éuacuant par transpiration insensible, la plus crasse demeure aux glandes: afin donc que le malade ne soit affligé de douleur, il l'a faut remolir, & discuter avec l'emplastre de melilot, oxioroceum, & semblables.

Des Carboncles.

CHAPITRE XXXVII.



LE Carboncle pestilent appellé par les Grecs *Αρσπυζ*, par les Latins *Carbo*, ou, *Carbunculus*, est vne tumeur tantost vlcéré, tantost non vlcérée, causé d'un humeur crasse, aduste, & mordante, qui

se pourrit & est veneneuse, elle est dure, parce qu'elle est crasse, la vase est de couleur rouge, à cause de la grande chaleur de l'humeur: vn peu dessus la vase, il est noir: au sommet il a vne vessie blanche: la cause de ces diuerses couleurs est, parce que c'est vne humeur enflammée & ardente: Et comme c'est la nature des choses qui bruslent, l'ardeur & la flamme monte en haut, d'où il arriue qu'il est rouge en sa vase: vn peu plus haut, ou l'ardeur est plus grande, il noircit, au sommet ou l'embrasement est tres grand, paroist vne vessie blanche: à cause de la pourriture il est puant: C'est pourquoy Hippocr. appelle les Carboncles par excellence *σύνχαις*, c'est à dire pourriture: A cause du venin il est contagieux, de sorte que c'est vne tumeur ardente, accompagnée de douleur puante & contagieuse: Et lors que la vessie est rompue, ce n'est pas seulement vne tumeur, mais encore vn vlcere pestilent & puant.

Il s'engendre de mesme que le bubon en deux façons: La premiere, lors que le cœur estant premierement offensé, chasse loin de soy le venin aux parties exterieures: L'autre, lors que les autres parties contaminées par l'air, ou la Contagion engendrent en soy du venin, qu'elles pouffent apres aux parties ignobles: La fiure precede, ou accompagne les premiers: Il n'est pas necessaire qu'elle precede les autres, mais que pour le moins elle les suiue; Car pour ceux qui ne sont precedez, accompagnez, ou suiuis de la fiure, ils ne sont

pestilents.

La pluspart des pestilents sont mortels, & les plus petits sont les pires: ils donnent plus d'esperance de santé, lors qu'il y en a plusieurs & qui sont larges.

De la Cure des Carboncles.

CHAPITRE XXXVIII.



A premiere intention du Medecin doit estre de vider la matiere de ceste tumeur, ce que se fera incisant avec la lancette la vessie, afin que le venin s'exhale: Sile malade craint le fer, il y faut appliquer le caustique, ou vesicatoire: l'ouuerture faite, le Medecin se doit proposer trois buts. Le premier, que la matiere putride soit desseichée: L'autre, de moderer la grande ardeur; le troisieme d'arrester le venin: Il faut donc composer vn medicament qui puisse satisfaire à ces trois intentions, tel sera le suiuant.

Prenez des lentilles bouillies, & de gros pain de chacun demy once: poudre de galles & de scordium de chacun vne dragme & demy: suc de plantain vne once & demy: Il faut mesler le tout pour en faire emplastre, qu'il faudra renouueller souuent iour & nuict, ou moins de quatre en quatre heures.

On a souuent prouué celuy qui suit.

Prenez du suc de racine de consolida, de scabiense, & de

L'herbè appellée pes columbinus, de chacun six cuillie-
rées : farine de lentilles & d'orge, de chacun trois cui-
liérées qu'il faut mesler ensemble.

On peut aussi appliquer vn crapaut sec macéré
dans le vin.

Aux lieux voisins, & afin que le venin ne retour-
ne au dedans, faut appliquer quelque defensif,
comme l'onguent de ceruse avec le bol.

Il ne sera pas inutile s'il y a beaucoup de sang
corrompu autour du Carboncle, d'ouvir la vei-
ne qui est au dessous.

Et si la chaleur est trop grande, on se pourra ser-
uir de l'emplastre fait de pomes de grenade cuites,
iusques à ce qu'elles soient molles, & passées par
le tamis, qu'on renouellera de quatre en quatre
heures.

L'escharre fait s'ostera avec onguent de graisse
de porceau, vn iaune d'œuf, & vn peu de farine
de fourment.

L'ulcere apres sera mondifié avec l'onguent de
Apio, & ainsi du reste comme en la cure des Bu-
bons.

De la façon de viure des pestiferez.

CHAPITRE XXXIX.



VANT au boire & manger, faut
qu'ils vsent de potages & viandes de
bon suc qui nourrissent fort en peti-
te quantité, qui serôt assaisonnées de

ius d'ozeille, citrons, limons, oranges, ou verjus : Il luy faut presenter peu & souuent, afin que les esprits se restaurent, & que les forces affoiblies se reparent, à quoy seruiront les restaurans, gelées, & consommez, ses boüillons seront alterez avec pourpier, vinette, cichorée, endiue.

Touchant le boire, il s'abstiendra du vin au moins les premiers iours; en cas de foiblesse on luy pourroit faire succer quelque rostie ou pain trempé en vin, il boira donc du vin de pommes de grenade, & quelquefois du vin avec les trois parts d'eau. A la fin du repas il prendra vn morceau d'escorce de citron, ou vne noix confite.

Il faut empescher le sommeil pendant la sueur, & hors de là s'il estoit profond, il le faudroit exciter & appliquer vn oxyrhodin.

S'il ne peut dormir, il faut oindre les narines d'huile de nenuphar, ou de pauot, ou luy faire prendre vne once de syrop de pauot, avec trois onces de la decoction de lactuë, y adioustant vn peu de poudre bezoardique.

Si la soif le presse, on fera des Iuleps, avec eaux refreischissantes, & les syrops de citron, de limons, & du suc de vinette: ou bien on fera quelque condit comme celuy qui suit.

Prenez conserue de roses & vinette de chacun vne once, suc de ribes vne once & demy, poudre de diamargaritum frigidum vne dragme: sucre rosat en tablettes suffisante quantité, soit fait condit.

S'il n'a pas le ventre libre, il fera sollicité par clysteres.

120 *L'Oemologie, pour se preserver de la peste.*

S'il survient diarrhée, on fera clystere de la decoction d'orge avec sucre, pour deteger & non pour arrester. On pourra luy donner pour lors demy dragme de racine de tormentille, & du bol d'Armenie, avec vin astringent.

S'il vomit apres le repas, il prendra vn morceau de gelée de coïng.

S'il survient syncope ou palpitation de cœur, les cardiaques seront en v'sage prins dedans, & appliquez dehors.

Si l'estomach est cause des syncopes, il le faut oindre & fomentier: On luy donnera pour lors quelque bouchée de pain trempé dans le vin, suc de grenades, & verjus, & trempera les pieds & mains dans l'eau chaude.

On appliquera souvent dès le commencement du mal des epithemes sur la region du cœur, du foye, & des testicules: Le vinaigre dans lequel aura trempé la racine d'Angelique sera bon cét effect.

F I N.





TABLE, DE CE qui est plus remarqua- ble en ce traicté.

- S** La peste est maladie particuliere. ch. 1. p. 7.
 Pourquoi plusieurs maladies sont appellées pesti-
 lentes. pag. 7.
 Si c'est de l'essence de la peste d'estre vulgaire. p. 8.
 La peste est maladie du cœur. chap. 2. p. 8.
 Pourquoi en tous les pestiferés il semble que la même partie n'est
 affectée. pag. 9.
 S'il est nécessaire que le venin pestilent reside toujours & pre-
 mierement au cœur. pag. 10.
 La pourriture n'est bastante pour engèdrer la peste. ch. 3. p. 11.
 Les Alexipharmagues ne sont en usage pour desseicher. p. 12.
 La fièvre n'est de l'essence de la peste. chap. 4. pag. 13.
 Si la peste est engèdrée d'un venin qui se pourrit. ch. 5. p. 14.
 La peste est causée d'une matiere veneneuse accompagnée d'une
 qualité occulte. chap. 6. pag. 15.
 La contagion n'est de l'essence de la peste. pag. 16.
 Quel corps s'appelle proprement contagieux. chap. 7. p. 16.
 Qu'est ce que se communique par contagion. pag. 17.
 Pourquoi la semence de contagion se peut entretenir long temps
 en l'air. pag. 18.
 Pourquoi la contagion n'infecte tout corps. pag. 19.

<i>Par quelles voyes sort la contagion.</i>	pag. 19.
<i>Quel des corps viuant on mort est plus contagieux. ch. 8. p. 19.</i>	
<i>Des vehiculus de la Contagion</i>	ch. 9. pag. 22.
<i>Quelles choses sont aptes à recevoir la Contagion.</i>	pag. 22.
<i>Si la monoye est susceptible de Contagion.</i>	pag. 23.
<i>Si on peut pourrir la Contagion sur soy sans estre offensé, & la communiquer aux autres.</i>	pag. 23.
<i>Si la Contagion peut demeurer quelque temps au corps sans se produire.</i>	chap. 10. pag. 24.
<i>De deux especes de Contagion.</i>	chap. 11. pag. 26.
<i>Quelle difference il y a entre la Contagion medice & immedice.</i>	pag. 27.
<i>Quelle des Contagions est plus d'angerieuses.</i>	pag. 27.
<i>Si la disposition requise à recevoir la Contagion consiste en la ressemblance.</i>	chap. 12. pag. 28.
<i>La disposition à recevoir la Contagion consiste en'une propriete occulte du cœur.</i>	pag. 29.
<i>Pourquoy les dissolus & cacochymes ne contractent pas quelque fois si tost la peste que les purs & bien reglés en leur viure. p. 30.</i>	
<i>Ceux qui sont accoustumés au venin pestilēt se garantissent. p. 30.</i>	
<i>Pourquoy les parens s'entreinfectent plus facilement que les autres</i>	pag. 31.
<i>Comment par le moyen du mouuement on reçoit plus facilement la peste.</i>	pag. 31.
<i>Si les cacochymes sont plus disposés au venin.</i>	pag. 31.
<i>De la difference de la peste, feure pestilente & feure maligne.</i>	chap. 13. p. 32.
<i>Si la feure pestilente peut estre ephemere.</i>	pag. 33.
<i>Si la feure pestilente peut estre hectique.</i>	pag. 34.
<i>Les feures pestilentes dependent de la pourriture des humeurs.</i>	pag. 34.
<i>La difference des feures pestilentes est prinse de leur malignité.</i>	pag. 35.

- Des causes de la peste. chap. 14. pag. 36.
- Pourquoy l'air est cause de la peste. pag. 37.
- Comme l'air peut estre cause des maladies communes & dis-
perſes. chap. 15. pag. 38.
- De quelle sorte concourt l'air lors qu'il engendre la peste. p. 39.
- Si l'air est plein de feu, & s'il reponſſe par ce moyen le venin. p. 39.
- Quel vice est requis en l'air pour estre pestilent. pag. 39.
- D'où l'air contracte ce vice. pag. 40.
- Des Estoilles comme elles introduisent la peste. pag. 41.
- Des autres causes de la peste. chap. 16. pag. 42.
- Si la mauuaise nourriture peut engendrer la peste. pag. 42.
- Comme la Contagion cause la peste. pag. 43.
- Si la peste se peut semer avec unguens & poudres. pag. 43.
- Si la frayeur & imaginatiõ peuuent causer la peste. ch. 17. p. 43.
- Pourquoy les pestiferés qui ont peur rarement guerissent. p. 44.
- Des signes Auant-coueurs de la peste. ch. 18. pag. 45.
- Des signes diagnostiques & prognostiques de la
peste. ch. 19. pag. 48.
- Si on peut tirer quelque signe assureé de la peste par la voye des
vrines. pag. 54.
- D'où pronuient ces petites taches rondes & de diuerſe couleur
en la peste. pag. 54.
- D'où sont causées les marques qui rapportent à ceux qui ont
receu les estriueres. pag. 55.
- D'où vient qu'apres la mort paroissent des marques aux corps
pestiferés. pag. 56.
- Des signes des fieures pestilentes ephemere putride, &
hectique. chap. 20. pag. 56.
- De la preseruatiõ de la peste en general. chap. 21. pag. 57.
- De la maniere qu'on doit desinfecter les maisons. pag. 61.
- Moyens de cognoistre si la chambre est desinfectée. pag. 62.
- Des la preseruatiõ des particuliers. ch. 22. pag. 63.
- Des moyens de corriger la mauuaise qualité de l'air. ch. 23.
pag. 64.

Sachet pour pourrier sur la region du cœur.	pag. 67.
Des venins qui se peuvent pourrier sur la region du cœur. chap. 24. pag. 69.	
Les venins attirent à soy le venin pestilent. par une ressemblance de toute leur substance.	pag. 71.
Des preservatifs qu'on pend au col.	ch. 25. pag. 72.
Comme il faut disposer les corps par purgation & saignée. chap. 26. pag. 74.	
Si on doit mesler de la theriaque avec les medicamens purgatifs.	pag. 76.
Si ceux qui se portent bien se doivent purger pour se preserver. pag. 77.	
Du regime de vie pour se preserver de la peste. ch. 27. p. 77.	
S'il est bon en temps de peste de changer de façon de vivre. p. 78.	
Si à force de boire & manger on se peut preserver de la peste. pag. 79.	
Si les Aulx & Oignons sont bons en temps de peste. chap. 28. pag. 81.	
Si les Canteres seruent pour se preserver de la peste. pag. 83.	
Des Alexipharmques. chap. 29. pag. 84.	
Pourquoy nous n'experimètons en la theriaque les forces qu'on luy donne. pag. 84.	
D'où vient que la theriaque resiste au venin. pag. 85.	
Des Electuaires, opiates, tablettes. pag. 86.	
Trochisques & eaus pour se preserver. pag. 87.	
De la cure de la peste si la saignée est requise. ch. 30. p. 97.	
Quelles veines on doit piquer. pag. 98.	
Des autres remedes de Chirurgie. chap. 31. pag. 100.	
S'il faut purger en la peste. pag. 101.	
S'il est possible de saigner, lors que les bubons & autres marques paroissent. pag. 102.	
Les medicamens secs ne sont bons pour les pestiferés. pag. 102.	
Des remedes contre la matiere veneneuse. ch. 32. pag. 103.	

<i>De la sueur.</i>	chap. 33. pag. 105.
<i>Comme il faut traicter les malades durant & apres la sueur.</i>	chap. 34. pag. 106.
<i>Des bubons, d'où ils sont ainsi appellés.</i>	chap. 35. pag. 108.
<i>Pourquoy les bubons paroissent presque en toute peste.</i>	pag. 109.
<i>En quelles parties arriuent d'ordinaire les bubons.</i>	pag. 109.
<i>Si en temps de peste il y a des bubons qui ne sont pestilens.</i>	p. 110.
<i>En combien de sortes s'engendrent les bubons pestilens.</i>	pag. 110.
<i>De la cure des bubons, s'il les faut conduire à suppuration.</i>	chap. 36. pag. 111.
<i>Si les vesicatoires sont utiles en la cure des bubons.</i>	pag. 112.
<i>Des Carboncles.</i>	chap. 37. pag. 115.
<i>Pourquoy les Carboncles sont de diuerses couleurs.</i>	pag. 117.
<i>En combien de façon ils s'engendrent.</i>	pag. 116.
<i>De la cure des Carboncles.</i>	chap. 38. pag. 117.
<i>Du régime de vie des pestiferés.</i>	chap. 39. pag. 118.



Ad libellum.

ANTE libelle tui fuerat quæ tanta
videndi.

Expletur tandem te veniente fames.

Longa tui sublata fames contagia sistit.

Sic famis & pestis tædia nostra leuas.

Post λιμὸν exoritur λοιμός: non ergo libelle.

Mirum est exempta se fame pestis abit.





ERREURS EN L'IMPRES-
sion qui se doiuent corriger
comme s'ensuit.





Pag. 3. l. 16. les aborts. pag. 7. l. 4. dit. p. 10. l. 1.
est, l. 11. raur. p. 13. l. 25. & de là la fieur, & pour
est, & p. 16. l. 2. Alexicaco. p. 17. l. 29. autre. p. 21.
l. 16. aussi l. 20. n'auoir. p. 27. l. 16. sans. p. 30. l. 23.
simplie. l. 25. cigüe. p. 33. 34. & 35. ephemere. p. 37.
l. 12. dont. l. 19. *πάρυς*. l. 29. *τυλίαν*. p. 44. l. 8. meres.
p. 45. l. 4. qu'en temps de peste, p. 47. l. 18. aborts.
l. 30. rosée. p. 46. l. 3. antrax. p. 50. l. 27. ces. l. 28.
frequent. p. 51. l. 23. ou aux autres. p. 54. l. 14. cruds.
p. 55. l. 25. qu'il. p. 59. l. 7. avec, p. 60. l. 21. Char-
taginois, p. 61. l. 17. bayes. l. 19. caillous. p. 68. l. 1.
macis. p. 68. l. 4. & du coton. p. 75. l. 3. & de leur
auteur Ruffi. p. 79. l. 25. embrasser. p. 80. l. 24. Ze-
doaria. p. 86. l. 24. parce que il y en a, p. 87. l. 24.
cigue, p. 94. l. 24. macis. p. 96. l. 6. folijs. l. 8. noci-
turum. l. 16. *νικητοξίνον*. l. 25. cordieles. p. 99. l. 19.
pestiferez, l. 21. debilitent. l. 23. pestifere. p. 101. l. 24.
phyenesie. p. 104. l. 22. le, p. 105. l. 25. de. p. 107. l.
3. iettera. l. 15. en petites pieces. p. 109. l. 3. de là est
appellée la peste inguinaria. l. 23. teste. p. 110. l. 22.
se descharge. p. 111. l. 12. chassé. p. 112. l. 30. agité.
p. 113. l. 25. est, p. 114. l. 11. racines, p. 115. l. 18. oxy-
croceum. p. 116. base. p. 119. l. 16. oxyrhodin. p. 120.
l. 19. sera bon pour cét effect.

F I N.


















#1338042436



#1338042436

